

## LOM Pol Lom Binib Kilop Mij Tikak

<sup>1</sup> Yad Pol, Klays Jisas bi wog giñeb ne midebin. God niñid yip aglek, bi Jisas takaw nop dad ameb ak midebin. Pen yip niñid takaw teplep ak agñinimuj agil yip aglak. <sup>2</sup> Takaw teplep anib ak, God bilel takaw anib ak aniginigab agebin tek ginimuj agil, bi God gos ñek agñeb okok kilop agek, buk Baybol ak tikil aglak. <sup>3</sup> Pen takaw teplep agilak anib ak, God Ñine nop agilak. Ne lum awl owak tek, binonim Depid jij ak tik dad amil nop tikilak. <sup>4</sup> Pen God ne nop gek tepayan tikjakak tek, chin niñid anigil nopun, God aglek ne God yil apil, Ñine kiles sek mideb. Ne Jisas Klays Biawl chin ak mideb. <sup>5</sup> Pen God ne binib man okok midupsek, kili Klays nop gos liniñid nop kidek ginigel agil gos nigak. Anib ak God ne Jisas Klays wog ne ak niñid, chinop yimug niñid gitep gak. Pen God ne Klays nop gos nigilig, bi Jisas takaw nop dad ameb wog ak chinop aglak. <sup>6</sup> Nibop abe God suk agil dek, binib anib okok ayip Jisas Klays yil midebin.

<sup>7</sup> Miñil yad mij anib ak ñu kil tikil nibop ñebin. Nibi God binib mapen yibil ne okok taun Lom midebin. God nibop suk agil dup okok, mij tikil

---

**1:1** Apo 9.15, 13.2, 22.21, 1 Ko 1.1, Gal 1.15      **1:2** Apo 26.6, Lom 3.21, 16.25-26, Gal 3.8, Tat 1.2      **1:3** Mat 22.42, Luk 1.32, Jon 1.14, Apo 2.30, Lom 9.5, Gal 4.4, 2 Ti 2.8      **1:4** Apo 13.33, Hib 9.14      **1:5** Apo 26.16-18, Lom 12.3, 15.18, 1 Ko 15.10, Gal 2.7-9, Epe 3.8      **1:7** Nam 6.25-26, 1 Ko 1.2-3, 2 Ko 1.1, Gal 1.3, Epe 1.2, 1 Te 4.7

nibop ñebin. Bapi God chin ayip Biawl Jisas Klays ayip, bi apilminal anib ak nibop yimug niñid gitep gel midtep ginimib.

*Pol Klays binib ne taun Lom midebal okok, am nigin agil gos nigup*

<sup>8</sup> Takaw ned aginigebin ak, anigil mideb. Binib man okok midupsek kili nibop kesim dil apal, Lom binib kili Klays nop gos linepal apal. Anib ak tek yad gos anib ak nigineknin, Jisas Klays yip gek, God nop tep agebin. <sup>9-10</sup> Wog nop ak kiles gil giñilig, Ñine nop takaw teplep ak agñibin. Pen God ne nig midaknin, yad nibop nen agil pel God nop agnepin. Nibop am nigin agil, kiles gil God nop pel agnepin. Anib ak, yip yaw agil kanib yomek, midebim ak ninigayn. <sup>11</sup> Pen yip tep gup ak, yad am nibop gen, nibi God Kawnan ne ak tap teplep ne ak dil, nop gos kiles gil niñid midtep ginimib. <sup>12</sup> Pen adek anib anep mel. Yad gos anib ak abe nepin. Nibi Klays nop gos linepin ak niñid gos sek yenimib. Yad Klays nop gos linepin ak niñid gos sek midenim.

<sup>13</sup> Mam ay sikop, nibi nigtep ginimib. Yad binib Juda mel man wakay oginap amil, wog gil Klays takaw ak agñen, apin tek niñid nop dipal. Anib ak tek, binib nibop okok abe agen nop dilan agil, pel ninig gipin ak pen, tap oginap yip gek ma opin. <sup>14</sup> Pen Glik binib okok binib Glik mel okok sek, binib gos nigtep gipal okok binib gos nigtep ma gipal okok sek, kilop midupsek God yip agek

---

**1:8** Plp 1.3, Kol 1.3-4, 1 Te 1.2, 1.8    **1:9-10** Apo 19.21, Lom 15.23, 15.32, 2 Ko 1.23, Epe 1.16, Plp 1.8, 1 Te 2.5, 2.10, 3.10, 2 Ti 1.3, Jem 4.15    **1:13** Jon 15.15-16, Apo 19.21, Lom 15.23, 16.7, Plp 4.17

giñinim. <sup>15</sup> Anib ak nim, nibop Lom midebim okok abe, takaw teplep ak agñin agil, gos olap nepin.

*Takaw teplep ak, God kiles ne ak takaw anib ak nab ayañ mideb*

<sup>16</sup> Takaw teplep ak, God kiles ne ak takaw anib ak nab ayañ mideb. Pen binib Klays nop gos linepal okok, God kiles ne anib ak kilop gek, God kilop tig asik dup. Juda binib Klays nop gos linepal okok kilop ned tig asik dak, binib Juda mel Klays nop gos linepal okok abe tig asik dup. Anib ak takaw teplep ak gos nigen, yip nebeñ ma gup. <sup>17</sup> Takaw adek anib ak, chinop yomek anigil nopun, God chinop gek binib suntep ne midobun. Chin tap olap ma ginigun, Klays nop nokom gos liniginigun ak nim, Klays nop gos linigon God ne niñid chinop gek, binib suntep ne midobun. Adek anib anep, buk Baybol ak tikil agilak, Binib suntep ne okok, nop gos liniñid nim, pelpel yenigabal agil tikilak.

*Binib God nop ma dipal okok takaw awl mideb*

<sup>18</sup> God ne man ne alañ mideb ak, binib kilop milik niñid yul awl ñub ak misen lek nopun. Binib God nop kud ñil ne gup tek kidek ma gipal anib okok, kili anigil tap timel gil, takaw niñid ak taw yu gilig tek midebal. Gipal anib ak, God niñid kilop milik niñid yul awl ñinigab. <sup>19</sup> God ne ke binib anib okok misen yomek, kili God bi tay tek mideb ak nigtep gipal. Nigtep gipal ak pen, nop kud ñil gi timel gipal, anib ak tek kilop milik niñid yul awl

**1:16** Sng 119.46, Mak 8.38, Apo 3.26, 13.46, 1 Ko 1.18-24, 2 Ti 1.8

**1:17** Hab 2.4, Jon 3.36, Lom 3.21-22, Gal 3.11, Hib 10.38 **1:18**

Apo 17.30, Epe 5.6, Kol 3.6, 2 Te 2.12 **1:19** Jon 1.9, Apo 14.15-17, 17.24-28

ñinigab. <sup>20</sup> God ne lum awl alwol gilil, tap okok midupsek gilak ñin ak, mid dad apil miñil ñin awl, binib okok midupsek tap gilak anib ak nepal. Ne anigek, binbi okok kili God gos ne oginap we gil mideb ak niginigel tek lup. Kili God tap gup anib ak jij ak niñid, kiles awl ne pel pelnep mideb ak niginigel tek lup. Ak pen, kili nop ma nopun apal. Apal anib ak, God ne nigek, kanib kili olap ameb tek ma mideb.

<sup>21</sup> Nop nepal ak pen, nigel God tek ma lek, yib nop ak ma dad aplanibal. Pen nop tep ma apal. Gos kili jij olap ma mideb yokip yibil midil, sawl sek lil, kisilim owup nab okok tek midebal. <sup>22</sup> Kili chin binib gos nigep midobun agil ag midebal ak pen, sawl sek yibil lipal. <sup>23</sup> God pel midep ak nop keligil, yib awl nop ak ma dad aplanibal. Tap yepis pen oginap gilil dil, yib awl dad aplanibal. Tap yepis anib okok, yawl tek ak, sab chag tek ak, yoy salaw tek ak, anib okok gilil, yib awl dad aplanibal. Pen tap yepis binib pel ma midep tek ak abe gilil, yib awl dad aplanibal.

<sup>24</sup> Kili anigipal anib ak tek, God kilop keligek, tap titimel gil gach sek midil, gos nab kilop ayan ke tikjakek gipal. Kili ke tap timel yibil gilig, neben ma dipal. <sup>25</sup> Kili God takaw niñid ne ak keligil, adikil takaw yepis ak dil, tap ne gilak okok kidek gil agnepal. Pen God tap okok midupsek gilak ak nop, yib dad aplanigel tek mideb ak. Yaw.

---

**1:20** Jop 12.7-9, Sng 19.1, Apo 14.17, 17.27, Hib 11.3      **1:21** Jer 2.5, Epe 4.17-18      **1:22** Jer 10.14, 1 Ko 1.20      **1:23** Lo 4.16-18, Sng 106.20, Jer 2.11, Ese 8.10, Apo 17.29      **1:24** Apo 7.42, 14.16, 1 Ko 6.18, Epe 4.18, 1 Te 4.4      **1:25** Ais 44.20, Jer 13.25, 16.19, Amo 2.4, Lom 9.5, 1 Te 1.9, 1 Jo 5.20

<sup>26</sup> Anigel gel, God kilop yepilek, tap nebeŋ gup adek ak nep gipal. Bin okok, bi yipid gil dil ayip yenigel ak keligil, bin oginap ayip penpen gi timel yibil gipal. <sup>27</sup> Bi okok abe anib ak tek gipal. Bin yipid gil dil ayip yenigel ak keligil, bi oginap kilop nigel mab tek yinek, bi okok kili ke nep penpen gi timel yibil gipal. Tap nebeŋ gup adek ak gipal anib ak, God kilop pen gek kili ke yul awl dipal.

<sup>28</sup> God nop gos ak ma niginigun agil keligel, kilop yepilek, gos monmon niŋid, tap timel yibil chin ma ginigun ak gipal. <sup>29</sup> Tap timel gipal okok nab kilop ayaŋ aplan jakil mideb. Tap titimel gil, tap chin ke kuŋay yibil dun agil gos ak niŋid, monmon gilig binib oginap kilop gi timel gipal. Tap kili kuŋay okok yad tek midobikop agil niŋid, chip pakli, milik yapek penpen agilig midil, takaw yepis agil, binib oginap kilop gi timel ginigun agil gos nepal. Pen nep agup yip agup agil, <sup>30</sup> binib kilop takaw timel agjuwil, God nop milik niŋid, binib ag sikol gil, chin ke binib awl midobun agil niŋid, yib kili ke dad aplanibal. Gos kideyil adek oginap niŋid timel ginigun agil, gos ak nepal. Nonim nap kilop takaw tibilikipal. <sup>31</sup> Kilop gos timud ma lek, takaw aglipal ak kidek ma gipal. Binib kili ke okok kilop gos nigep won ak ma midil, mapen ma nepal. <sup>32</sup> God takaw yipid gil kiles timel mideb ak anigil agak, Binib tap anigil ginigel ak, kumnigel agak. Kili takaw anib ak nigtep gipal ak pen, tap timel anib okok monmon nep gel amub. Pen kili tap timel adek anib ak nep ma gipal. Kili binib oginap anib

---

**1:26** Wkp 18.22-23, Epe 5.12      **1:27** Wkp 18.22, 20.13, 1 Ko 6.9  
**1:32** Sng 50.18, Hos 7.3, Lom 2.2, 6.21

ak nep tap timel gipal ak kilop niñid anib apal, Kili gitep yibil gebal apal.

## 2

*God binib okok kilop tig asik bilokup ak, ne yipid gil gitep gup*

<sup>1</sup> Anib ak, nibi binib oginap kilop tig asikilig agjupim okok, chinop takaw ma mideb agil gos niginimib tek ma lup. Nibi keke nigim. Nad binib oginap kilop tig asikilig agjupan won ak, nad ke abe tig asikilig agjupan. Taynen? Tap timel gipal ak, nad abe pel gipan. <sup>2</sup> Chin nopun, God binib timel gipal anib okok kilop tig asik bilokup ak, niñid yibil yipid gil tig asik bilokup. <sup>3</sup> Pen kilop tig asikilig agjupan okok, tap timel anib okok gipal ak, nad abe gilig kilop agjupan. Gos tay nepan? God nep tig asik ma bilokinigab agil nepan akan? Pilik amnimin tek ma linigab. <sup>4</sup> Titay dup? God nibop yimug niñid ditep gil, pel kod mideb. Pen ne tap timel gipim anib okok pen kasek gi timel gin agil gos ma nigup. Ditep gep anib ak, nigem tap yokip olap tek linimuñ. God ne nibi tap si tap timel gipim ak taynen anigipun agil keliginigabim agil gos nigup. Anigil gos niñid, nibop yimug niñid ditep gup. Anib ak ma nepim akan? <sup>5</sup> Chibol nibop ak ma asikek, tap si tap timel gipim ak taynen anigipun agil, keliginigun agil gos ak ma nepim. Nibi tap timel yibil okok gi midil, gach nibi ak gem awl gil pel ak pel ak amub. Pen God binib okok kilop yipid gil tig asik bilokinigab ñin ak, nibop gos

---

**2:1** Mat 7.1, Luk 6.37, Jon 8.7-9, Lom 1.20      **2:4** Ais 30.18, Lom 3.25, Epe 1.7, 2.9, 2 Pi 3.9, 3.15

timel niñid yul awl ñek, nibi yipil awl dinigabim.  
 6 God ne binib nokom nokom ginigabal ginigabal tek niñid, kilop pen abe ñinigab. 7 Binib oginap kili God ayip midtep gil pelpel midon, chinop yib awl ñinigab agil gos niñid, kiles gil gitep gel amub. Binib anib okok, God kilop gek pel pelnep yenigabal. 8 Binib oginap sek pen wak kili ke anep gos niñid, takaw niñid ak keligil, tap titimel gep ak kidek gipal. Binib anib okok, God kilop milik niñid, gos timel niñid yul awl ñinigab. 9 Binib gi timel gipal okok, kilop midupsek gi timel gek miñel dil yul awl dinigabal. Juda binib okok ned ak, binib Juda mel okok abe kilop aniginigab. 10 Pen binib gitep gipal okok, God ayip midil yib awl dil, midtep yibil ginigabal. Juda binib okok ned ak, binib Juda mel okok abe kilop aniginigab. 11 Chin nopun, God ne yipid gil nep niñid, binib okok kilop tig asik bilokup. Adip adip midebal ak niñid, pis olap akan pis olap ma amnigab.

12 Binib Juda mel takaw Mosis ñu kil tikak ak ma nepal okok, tap si tap timel gel God kilop gek kul ginigabal. Pen Juda binib takaw Mosis ñu kil tikak ak nepal okok, tap si tap timel gel, God takaw Mosis ñu kil tikak ak niñid kilop tig asik bilokinigab.

13 Chin nopun, binib takaw Mosis ñu kil tikak ak niñid, agup tek gipal okok, God kilop nigeek binib suntep ne midebal. Binib pen takaw Mosis ñu kil tikak ak yokip nepal okok, God kilop nigeek binib

---

**2:6** Sng 62.12, Snd 24.12, Mat 16.27, Jon 5.29, 1 Ko 3.8, 2 Ko 5.10, Lep 22.12    **2:8** Lom 1.18, 2 Te 1.8    **2:9** Amo 3.2, Luk 12.47-48, Lom 1.16, 1 Pi 4.17    **2:11** Lo 10.17, 2 Sto 19.7, Jop 34.19, Apo 10.34, Gal 2.6, Epe 6.9, Kol 3.25, 1 Pi 1.17    **2:13** Mat 7.21, Jem 1.22-25, 1 Jo 3.7

sunṭep ne ma mīdebal. <sup>14</sup> Binīb Juda mel okok, kili takaw Mosis ñu kil tikak ak ma mīdeb. Binīb kili oginap pen, gos kili ak ke niñid, gitep gīpal. Gīpal anīb ak, takaw Mosis ñu kil tikak ak anīb ak tek gīpal. Anīb ak kili takaw Mosis ñu kil tikak ak ma mīdeb ak pen, gos teplep kili ak chībol nab kili ayañ yek ak, nim kidek gīpal. <sup>15</sup> Gīpal anīb ak niñid anigil nopun, God ne takaw Mosis ñu kil tikak ak dil, gos kilop nab ayañ ñu kil tikek, gos teplep pal ak nig midilakniñ misen lup. Ñin oginap gī dad amil, gos kili ke niñid, timel gobun agil nepal, ñin oginap gī dad amil, tep gobun agil nepal. Anigek, gos kili nab ayañ mīdeb ak chinop yomub, gos kili takaw Mosis ñu kil tikak tek ak mīdeb. <sup>16</sup> Anīb ak tek, God Klays Jisas nop agek binīb okok kilop tig asik bilokinigab ñin ak, tap we gīpal okok agyikinig, gos nepal anīb ak tek tig asik bilokinigab. Pen yad takaw teplep ak agñilig, pel anīb ak tek apin.

*Juda binīb kili Mosis takaw ak di mīdeb tek, midtep gobun agil gos nepal*

<sup>17</sup> Pen nibi titay ginigabim? Nibi apim, Chin Juda binīb midobun apim. Takaw Mosis ñu kil tikak ak chinop giñek midtep gobun apim. Yib nibi ak ke dad aplanilig apim, Chin God binīb ne yibil midobun apim. <sup>18</sup> God gos nigeek nop tep gup ak, anīb ak nopun agil gos nepim. Takaw Mosis ñu kil tikak ak nibop gos ñek, anīb apim, Tap tep gup akan, tep ma gup, ak nopun apim. <sup>19</sup> Pen gos chin teplep yibil mīdeb agil gos niñid, anīb apim,

---

**2:14** Apo 10.35    **2:15** Mat 25.31, Apo 10.42, 1 Ti 1.11, 2 Ti 2.8, 4.1, 4.8    **2:17** Ais 45.25, Jon 8.33, 2 Ko 11.22, Jem 2.19    **2:19** Mat 15.14, 23.16-19, Luk 18.9, Jon 9.34, 9.40, Lom 6.17, 2 Ti 1.13, 3.5, 3.15



Binib widin koy tek midebal okok kilop agñitep gil, ponid amon kanib tep kidek ginigabal apim. Binib kisilim nab ayanj tek midebal okok kilop agñitep gon, milek sek yenigabal apim. <sup>20</sup> Binib gos tep ma nepal okok sek, ñisikol paysikol okok sek, kilop agñitep gon, nigtep ginigabal apim. Apim anib ak, nibi takaw Mosis ñu kil tikak ak nopun tek, gos tep ayip takaw niñid yibil ayip nopun apim. Gos ak takaw ak midupsek nig dipun anep mideb agil gos niñid, anib apim. <sup>21</sup> Nibi binib kilop anigil agñibim ak pen, taynen nab nibi pi okok ke ma agñibim? Nibi apim, Tap si ma dinimib apim ak pen, nibi ke si dipim. <sup>22</sup> Bin si bi si ma ginimib apim ak pen, nibi ke bin si bi si gipim. Tap yepis agnepal okok ma yibil agniñimib apim ak pen, nibi tap yepis kal agnepal migan ak amil, tap dilipal okok si dipim. <sup>23</sup> Yib nibi ke dad aplanil apim, Chin takaw Mosis ñu kil tikak ak di mideb apim. Anib apim ak pen, takaw anib ak tibilikil kidek ma gipim tek, God yib nop taw achip achip gipim. <sup>24</sup> Gipim anib ak, buk Baybol ak tikil anib agilak, Nibi anigil gi timel gipim, anib ak tek binib Juda mel okok God nop agjupal agil tikilak.

<sup>25</sup> Nibi takaw Mosis ñu kil tikak ak midupsek kidek genimib, wak nibop tibilikipim ak abe tap tep mideb. Pen takaw Mosis ñu kil tikak ak tibilikenimib, wak nibop tibilikipim ak tap yokip mideb. Bi wak kilop ma tibilikipal okok tek midebim. <sup>26</sup> Anib ak tek bi wak ma tibilikipal okok, takaw Mosis ñu kil tikak ak yipid gil kidek genigel,

God kilop niñid bi wak tibilikipal tek midebal agil gos niginigab. <sup>27</sup> Nibi Juda kay takaw Mosis ñu kil tikak mij ak dilig, wak tibilikilig gipim ak pen, takaw anib ak tibilikipim. Binib Juda mel okok pen, kili wak ma tibilikipal okok, oginap takaw Mosis ñu kil tikak ak kidek gipal. Anib ak tek, kili nibi takaw anib ak tibilikipim ak niñid, nibop tig asikil bilokinigabal. <sup>28-29</sup> Nigim. Bi wak kilop tibilikipal ak, kilop gek bi Juda yibil yenigel tek ma lup. Pen abe, bi wak kilop tibilikipal ak, tap wak ak nep mel. Ak pen, bi Juda olap, ne Juda gos telep kili ak nab ayan nep yonimun, ne bi Juda niñid yibil ak mideb. Pen bi wak nop tibilikup niñid yibil ak, anib abe bi gos nab ne ayan nep yonimun. Bi wak nop tibilikup niñid yibil anib ak, takaw Mosis ñu kil tikak ak kidek gil gitep gin agil gos ma niginimun. Bi wak nop tibilikup niñid yibil ak, God Kawnan ne ke nop gup. Gup anib ak, binib oginap nigel yib ma mideb, God pen nop nigek yib mideb.

### 3

#### *God pelyipid gil gitep yibil gup*

<sup>1</sup> Bi wak kilop tibilikipal ak, tap wak ak nep mel. Anib ak titay dil bi Juda kili biawl adek alañ midon agil gos nepal? Taynen wak kilop tibilikipal? Anigel, tap telep nim akal tek yenigab? <sup>2</sup> Nigim, kili midtep ginigabal. God Juda binib tap telep kunay yibil kilop ñub. Tap awl ak anigil mideb, God ne takaw ne ak dil, Juda binib kili takaw anib

---

**2:28-29** Lo 30.6, Jon 7.24, 8.39, Lom 9.6-7, 1 Ko 4.5, 2 Ko 10.18, Kol 2.11, 1 Pi 3.4    **3:2** Lo 4.7-8, Sng 147.19-20, Lom 2.18, 9.4

ak kod midtep ginigel agil, kilop ñak. <sup>3</sup> Pen chin nopun, kili oginap takaw anib ak kidek ma gilak. Pen titay dinigab? Kili takaw anib ak kidek ma gilak tek, God nop gel, ne abe takaw ne ke ak kidek ma ginigab akan? Mel yibil, takaw ne ke ak kidek ginigab. <sup>4</sup> Binib okok midupsek binib takaw yepis agep midebal ak pen, God ne ninid yibil agil, agup tek gup. Takaw anib ak tek buk Baybol ak tikil agak,

Nad takaw apan ak, binib kili nepal, yipid gil nep apan agil tikak. Pen nep kot ginig, kot ginigel takaw jij olap ma yenigab agil tikak.

<sup>5</sup> Pen titay dup? Bi oginap anigil aginigabal, Taynen God ne tap timel gipun ak chinop pen gup aginigabal? Chin titimel gon, God yipid gil gitep gup ak misen linigab aginigabal. Ne gitep gup ak misen lek, binib okok misen niginigabal aginigabal. Tap titimel gon, God chinop gos timel ninid yul awl ñub ak, yipid gil gitep ma gup akan aginigabal? Takaw anib ak, binib gos ninid anib apal tek nep agebin. <sup>6</sup> God pel yipid gil gitep ma genigab, titay dil binib kilop yipid gil tig asik bilokinigab? Ne pen pel yipid gil gitep gup, anib ak tek binib kilop yipid gil tig asik bilokinigab. <sup>7</sup> Pen binib oginap aginigabal, Chin yepis adek ak gonigabun, binib oginap ninid, God bi yipid gil yibil mideb ak agil gos niginigabal aginigabal. Anigil nigel, God yib awl yibil dinigab aginigabal. Anib ak taynen God chinop tig asikil, nibi binib tap si tap timel gep midebim okok aginigab aginigabal?

---

**3:3** Lom 9.6, 10.16, 11.29, 2 Ti 2.13, Hib 4.2    **3:4** Sng 51.4, 62.9, Jon 3.33    **3:5** Lom 6.19, Gal 3.15

<sup>8</sup> Takaw anib ak, binib oginap yip agjulig apal, Pol takaw anib ak tek agup apal. Tap si tap timel anep gon gon, anigil gon tap teplep apjakinimun agup apal. Binib yip agjulig anib apal okok, God kilop yipid gil bilokil, yul awl ñinigab.

*God nigek binib suntep ne olap ma yonimun*

<sup>9</sup> Anib ak tay aginigin? God nigek, chin Juda yib awl midobun, binib Juda mel okok yib ma mideb akan? Mel yibil. Chin apun tek, Juda binib ayip binib Juda mel ayip, tap si tap timel gep ak chinop midupsek yu gup. <sup>10</sup> Takaw anib ak tek, buk Baybol ak tikil agak,

Binib suntep ne olap ma mideb, mel yibil agil tikak. <sup>11</sup> Binib gos nigtep gup olap ma mideb agil tikak. Binib God nop piyowil ninid chigin agil olap ma mideb agil tikak. <sup>12</sup> Kili midupsek adikid God nop keligipal agil tikak. Kili jimnil gitep ma gipal agil tikak. Kili nokom olap ditep gep ak ma mideb, mel yibil agil tikak.

<sup>13</sup> Meg migan kili ak kaw migan tek midil, takaw kili ak kumeb apjakup ak tek mideb agil tikak. Yalib kili ak adik madik gil pel yepis yibil nep apal agil tikak. Meg migan kili takaw timel apal ak, yoy salaw kabiyam tek ak mideb agil tikak. <sup>14</sup> Pen takaw kili ak midupsek timel agil, binib agjuwil milik ninid kuj timel gil gipal agil tikak.

---

**3:8** Lom 5.20, 6.1, 6.15    **3:9** Lom 1.18–2.24, 3.23    **3:10** Sav 7.20    **3:10** Sng 14.1-3, 53.1-3    **3:13** Sng 5.9, 140.3, Jem 5.16  
**3:14** Sng 10.7

- 15 Kiles timel yibil gil, binib paklinig gos anep nepal agil tikak. 16 Binib okok kilop pel gi timel gil gel, koslam midil midtep ma gil, yul dil miñel awl yibil dipal agil tikak. 17 Binib okok ayip, kimigel jimñil midtep ginigun agil gos ak ma nepal agil tikak.
- 18 Kili God bi jel gup ak agil, ma yibil pilikipal agil tikak.
- 19 Pen chin nopun, God agek takaw Mosis ñu kil tikak anib ak, binib takaw anib ak muk okok midebal okok kilop nep agup. Anigil agek, binib midupsek binib suntep midobun agil gos niginigel tek ma lup. Binib man okok midupsek gi timel gipal ak nim, God kilop tig asik bilokinimun tek lup.
- 20 Anib ak, binib takaw Mosis ñu kil tikak ak niñid kidek gel, God kilop gek binib suntep ne okok ma yenigabal. Takaw Mosis ñu kil tikak ak pen niñid, gos nopun, chin binib tap si tap timel gep okok midobun.

*Binib Klays nop gos linepal okok, God gek binib suntep ne midebal*

21 Miñil pen God binib kilop gek binib suntep ne midebal ak misen lup. Kili takaw Mosis ñu kil tikak ak niñid kidek gel, God gek binib suntep ne ma midebal. Mel. Pen takaw Mosis ñu kil tikak ak sek, takaw bi God gos ñek agñeb okok ñu kil tikilak ak sek, kili God anigil ginigab agil agyikilak. Anib agilak, God binib kilop gek binib suntep ne yenigabal agilak. 22 Binib Jisas Klays nop gos

---

**3:15** Snd 1.16, Ais 59.7-8    **3:18** Sng 36.1    **3:19** Jon 10.34, Lom 1.20, 2.2, 3.9, 3.23    **3:20** Sng 143.2, Apo 13.39, Lom 7.7, Gal 2.16, Epe 2.8-9, Tat 3.5    **3:21** Apo 10.43, 15.11, 26.22, Hib 11.4, 1 Pi 1.10  
**3:22** Lom 1.17, 10.12, Gal 2.16, 3.28, Kol 3.11

linigel, God kilop gek binib suntep ne midebal. Pen Juda binib kili pis olap midebal, binib Juda mel pis olap midebal agil gos ma nigup. Binib midupsek Klays nop gos linepal okok, God kilop gek binib suntep ne midebal.

<sup>23</sup> Chin midupsek tap si tap timel gil, ne ayip yonigun tek ma lup ak pen, <sup>24</sup> God chinop midupsek yimug niñid gitep gup. Yimug niñid gitep gek, God ayip jimñil midil binib tep ne takaw ma mideb okok yonigun tek lup. Chin tap oginap gon ne chinop anib ma gup. Klays Jisas nop mon-mon agyoken kilop pisnep dek konim amnigel agil gos niñid anigak. <sup>25</sup> God ne Jisas nop sibog ñibal tek ñek, ne kumil nikim ne sogek, binib midupsek tap si tap timel gipal ak tig walig giyokimun tek lup. Anib ak God chinop yomub, ne bi suntep midil, pel yipid gil gitep gup. Bilel ne binbi okok kilop niñid, kimigel midil, tap si tap timel geligipal anib okok gos nigilig ma yoligup. <sup>26</sup> Pen miñil chinop yomub, ne ke bi suntep yipid gil gitep gup ak mideb. Ne bi suntep midil, binib Jisas nop gos linepal okok God kilop gek, binib suntep ne midebal.

<sup>27</sup> Anib ak titay dil yib chin ak dad aplanigun? Tap olap niñid aniginigun ak ma mideb. Taynen yib chin ak ma dad aplanigun? Jij ak anigil mideb. Klays nop gos linigon, God chinop gek binib suntep ne midobun. Takaw Mosis ñu kil tikak ak kidek gon, God chinop gek binib suntep ne ma midobun. Mel. <sup>28</sup> Chin anigil gos nopun, binib kili Jisas nop

---

**3:23** Lom 3.9, 5.2, 11.32, Gal 3.22    **3:24** Lom 5.1, Epe 1.7, 2.8, Kol 1.14, 1 Ti 2.6, 1 Pi 1.18-19    **3:25** Apo 13.38-39, 17.30, Epe 1.7, Kol 1.20, Hib 9.15    **3:27** Lom 2.17, 2.23, 1 Ko 1.29-31, Epe 2.9    **3:28** Apo 13.38-39, Lom 3.20-22, 8.3, Gal 2.16

gos linigel, God kilop gek binib sunṭep ne yenigel. Pen takaw Mosis ñu kil tɔkɔk ak, ne binib okok kilop gek God binib sunṭep ne yenigel tek ma lup. <sup>29</sup> Titay dup? God ne Juda binib God kili ke mideb akan, binib Juda mel God kili abe mideb akan? Yaw, ne binib Juda mel God kili abe mideb. <sup>30</sup> God nokom nep mideb ak nim, Juda binib wak kilop tibilikep Jisas nop gos linepal okok ayip, binib Juda mel wak kilop ma tibilikep Jisas nop gos linepal okok ayip, omiṅal giḷ kilop gek binib sunṭep ne yenigabal. <sup>31</sup> Anib ak chin Jisas nop gos linigep ak, tap awl yibil mideb agil gos niṅid nim, takaw Mosis ñu kil tɔkɔk ak titay dinigun? Pisenep diyokinigun akan? Mel yibil, pisenep ma diyokinigun. Chin pen anib aginigabun, Takaw Mosis ñu kil tɔkɔk ak am wos ginigab aginigabun.

## 4

### *God Eblaham nop gek, bi sunṭep ne yek*

<sup>1</sup> Anib ak based chin Eblaham lum awl yoligup ak, nop titay dak agil aginigabun? <sup>2</sup> Nigim. Eblaham ne gitep gek nim, God Eblaham nop gek bi sunṭep ne yoligup tek, Eblaham yib ne ke dad aplanimun tek lak. Pen nop anigil ma gak. Eblaham ne anib pal ak anigil gek, God Eblaham nop gek bi sunṭep ne ma yoligup. Mel. Anib ak tek, Eblaham yib ne ke dad ma aplanimun tek lak. <sup>3</sup> Pen buk Baybol ak tay agak? Tikil anib agak, Eblaham ne God niṅid agup agil, nop gos linigak ak nim, God agek bi sunṭep ne yek agil tɔkɔk.

---

**3:29** Lom 10.12      **3:30** Lo 6.4, Lom 4.11-12, Gal 3.8, 3.20, 3.28

**3:31** Mat 5.17, Lom 8.4      **4:2** Lom 3.20, 3.27-28      **4:3** Stt 15.6, Gal 3.6, Jem 2.23

4 Pen bi wog ak gil, mani dipal ak, kili mani anib ak chinop yokip ñibal agil gos ma nepal. Tap anib ak wog gipal tek dipal. 5 Bi olap pen yad God bi suntep ne midenim agil gos nigup ak, aniginimuñ. Ne wog kiles timel yibil gitep gin agil ma gonimuñ. Mel. Ne pen God nop gos linijid, gos anigil niginimuñ, God binib tap si tap timel gipal okok nijid kilop gek, God binib suntep ne yenigabal. Bi anib ak God nop gos linigup ak, nop nijid gek, God bi suntep ne mideb. 6 Takaw agebin awl tek, binonim Depid abe bilel agak. Bi olap wog gitep gup mel ak pen, God gek ne bi suntep ne mideb ak, bi anib ak nop tep gaknij miñmiñ gil mideb. Depid ne gos anib ak nijid, tikil anib agak, 7 Binib God takaw tibilikil tap si tap timel gipal okok, God nijid gach kilop tig walig giyokup ak, kilop tep gaknij miñmiñ gil midebal agil tikak. 8 Binib tap si tap timel gel God tap timel anib ak nijid keligup ak, kilop tep gaknij miñmiñ gil yenigabal agil tikak.

9 Binib kilop tep gaknij miñmiñ gil midebal nim ak, binib an anigebal? Binib wak kilop tibilikipal okok nep akan, binib wak kilop ma tibilikipal abe anigebal? Nigtep ginimib. Chin anib agobun, Eblaham God nop gos linigek, God nop gek bi suntep ne yek agobun. 10 Anib ak Eblaham titay dil yek, God nop gek bi suntep ne yek? Wak ne tibilikak won ak akan ma tibilikak? Wak ne tibilikak won ak mel, wak ne ma tibilikek God nop gek bi suntep ne yek. 11 Eblaham wak ne ma tibilikak won ak, ne God nop gos linigak, anib ak tek God Eblaham



nop gek bi suntep ne yek. Pen kidek God agak, Nad wak tibilikinimin agek, wak ne tibilikak. Ne anigek, binib anigil nigilak, Eblaham ne God nop gos linijid bi suntep ne yek. Pen chin ne anigak anib ak ninid, anigil nopun, binib wak kilop ma tibilikipal ak pen, God nop gos linepal okok, Eblaham ñapay ne midebal. Kili wak kilop ma tibilikipal ak pen, God nop gos linigel kilop gek binib suntep ne midebal. <sup>12</sup> Pen kili nep mel, bi wak kilop tibilikipal oginap abe Eblaham ñapay ne midebal. Bi wak kilop tibilikilig God nop gos linepal okok, kili based Eblaham wak ma tibilikak won ak God nop gos linigak tek midebal.

*Binib God nop gos linepal okok, God kilop tap olap ginigayn agil aglup*

<sup>13</sup> Bilel God ne Eblaham ayip, Eblaham jij gil gek binib ñapay ne kidek yenigabal okok ayip, kilop tap olap ginigayn agil aglak. Anib aglil agak, Lum awl ak midupsek nibop ñinigayn agak. Eblaham pen takaw Mosis ñu kil tikak ak kidek gek, God tap olap ginigayn agil aglak ak ma agak. Mel. Eblaham God nop gos linigek, God gek bi suntep ne yek. Anib ak tek, God tap olap ginigayn agil aglak. <sup>14</sup> Nigim. God tap olap ginigayn agil aglak anib ak, binib takaw Mosis ñu kil tikak ak kidek gipal okok kilop ma agak. Binib nop gos linepal okok kilop aglil agak. Mel ak, binib God nop gos linepal anib ak gos yokip olap tek lak. Lek, God tap olap ginigayn agil aglak ak apyap pakipikop. <sup>15</sup> Chin nopun, takaw Mosis ñu kil tikak ak mideb won ak, binib kidek ma gel

kilop gos timel niñid yul awl ñub. Pen Mosis ñu kil tikak ak ma mideb ak, takaw tibilikinigel tek ma lup.

<sup>16</sup> God Eblaham ñapay ne kidek yenigabal okok kilop yimug niñid gitep gil, tap olap ginigayn agil aglinim agil gos nigak. Anib ak Eblaham God nop gos linigek God anib ak niñid, adek anib ak Eblaham nop tap olap ginigayn agil aglak. Binib takaw Mosis ñu kil tikak kidek gipal okok nep mel, binib midupsek Eblaham God nop gos linigak tek nepal okok, God kilop abe tap olap ginigayn agil aglak. Eblaham, ne based chin midupsek. <sup>17</sup> Buk Baybol ak anib ak tek tikil agak, Yad nep gek, binib man keke kuñay yibil based kili mideban agil tikak. Anib ak Eblaham God nop gos linigek God anib ak nigek, Eblaham ne based chin mideb. God nim ak ne ke binib kumeb okok kilop gek tepayan tikjakipal, bilel tap oginap ma yek ak pen, God agek tap anib okok yek.

<sup>18</sup> Pen Eblaham ñapay tikinimunj tek ma lek, God Eblaham nop anigil agak, Nad jij gil, binib ñapay nad kuñay yibil nep yenigabal agak. Anib agek, Eblaham God titay ginigab ak gos ma nigak ak pen, ne God niñid agup agil nop gos lininid, gos sek kod yek. Midil nim, God agak tek binib man keke kuñay yibil based kili yek. <sup>19</sup> Eblaham ne nigak, sub ne anep 100 tek amil, ne ke bi milep yibil lak. Pen abe nigak, bin ne Sala ñapay ma tikil, ñapay wom. Ne pen God nop kiles gil gos linigak. <sup>20-21</sup> Eblaham ne

---

**4:16** Lom 3.24, Gal 3.7, 3.22    **4:17** Stt 17.5, Ais 48.13, 1 Ko 1.28, Epe 2.1, 2.5, 1 Pi 2.10    **4:18** Stt 15.5, Hib 11.1    **4:19** Stt 17.17, 18.11, Hib 11.11-12    **4:20-21** Sng 115.3, Hib 11.19

God ne tap olap ginigayn agil aglak ak ginigab agil gos nigak. Gos keke ma nigak. Ne God nop kiles gil gos liniñid, yib awl yibil ñak. Ne nigtep gak, God ne kiles timel midil, tap olap ginigayn agil aglak ak ginimuj tek lup. <sup>22</sup> Anib ak Eblaham God nop gos linigak ak, God ne niñid anib agak, Ne bi suntep yad agak. <sup>23</sup> Buk Baybol ak kil tikil agilak, God ne niñid anib agak, Ne bi suntep yad agak agil tikilak. Pen agil tikilak anib ak, God ne Eblaham nokom gos niginimuj agil ma tikilak. <sup>24</sup> Chinop abe gos niginimuj agil tikilak. Chin God nop gos linopun anib ak tek, chinop abe aginigab, Nibi binib suntep yad aginigab. God nim ne Jisas Biawl chin kumak ak nop gek, tepayan tikjakak. <sup>25</sup> Chin tap timel gipun anib ak tek, God Jisas nop dil bi oginap ñek, nop paklel kumak. Pen yad kil ayip jimñil midil binib tep yad takaw ma mideb okok yenigel agil, Jisas nop gek tepayan tikjakak.

## 5

*Chin God ayip jimñil midil binib tep ne takaw ma mideb okok midobun*

<sup>1</sup> Chin Klays nop gos linigon God ne gek, chin ne ayip jimñil midil binib tep ne takaw ma mideb okok midobun. Anib ak Biawl chin Jisas Klays ne chinop gek, God ayip kimigel midtep gipun. <sup>2</sup> Chin Klays nop gos linigon, ne kanib yikek, God yil amil pel midobun. Amil midon, God ne chinop pel yimug niñid gitep gup. Pen man teplep chinop

---

**4:22** Stt 15.6      **4:24** Apo 2.24, 13.30, Lom 15.4, 1 Pi 1.21      **4:25**  
 Ais 53.4-5, 1 Ko 15.17, 2 Ko 5.21, Gal 1.4, 1 Pi 1.21      **5:1** Jon 16.33,  
 Lom 3.24, 3.28-30, 4.24, Epe 2.14, Kol 1.20      **5:2** 1 Ko 15.1, Epe 2.18,  
 3.12, Hib 3.6, 10.19

agrup ak amil ne ayip yonigabun agil, gos sek kod midil tep gaksiñ midobun. <sup>3</sup> Chin pen anib ak nep ma miñmiñ gipun. Binib okok chinop gi timel gel yul awl dipun ak, ak abe nigon chinop tep gup. Taynen gos anib ak nopun? Anigil mideb. Chinop gi timel gel yul awl dipun won ak, chinop gek kiles timel gil jak midil miñel okok dipun. <sup>4</sup> Pen kiles timel gil jak midil miñel okok dipun won ak, God ne chinop binib gitep gipim okok yip tep gup agil gos nigup. Pen God chinop anib gos nigup won ak, chinop gitep ginigab agil gos sek kod midobun. <sup>5</sup> God ne Kawnan ne ak chinop agyokek, binib kilop mapen lep ak, ne anib ak gos chin nab ayan monmon tig sogak. Anib ak tek God chinop gitep ginigab agil gos sek kod midobun ak, chin niñid anigil nopun, yokip gos sek kod ma midobun. God chinop anigil gitep ginigab.

<sup>6</sup> Pen chin ke nep gitep gep tek ma yek won ak, chin binib timel yonok okok Klays chinop nen kumak. Klays kumak ak, God ne ke ñin anib ak aglak. <sup>7</sup> Nigim. Bi nibi olap, ne bi yipid gup olap nop nen kumnim agil, koslam gos niñid kumub. Pen bi nibi olap, bi tep yibil olap niñid nop nen kumnim tek lup. <sup>8</sup> God pen, ne ke chinop mapen lup ak miseñ gi yomak. Chin binib tap si tap timel pel gipun ñin ak, chinop mapen lil Klays nop agyokek apil, chinop nen kumak.

<sup>9</sup> Klays nikim ne sogek, chin God ayip jimñil

---

**5:3** Apo 5.41, 2 Ko 12.10, Plp 2.17, Jem 1.2-3, 1 Pi 1.5-7, 3.14    **5:5**  
 Sng 22.5, 25.20, 2 Ko 1.22, Gal 4.6, Epe 1.13-14, Hib 6.18-19    **5:6**  
 Lom 4.25, 5.8-10    **5:8** Jon 3.16, 15.13, 1 Pi 3.18, 1 Jo 3.16, 4.10  
**5:9** Lom 1.18, 2.5, 2.8, 3.25, 1 Te 1.10, Hib 9.14, 1 Jo 1.7

midil binib tep ne takaw ma mideb okok midobun. Anib ak nigtep gipun, God binib kilop timel niñid yul awl ñinigab ñin ak, Klays chinop ditep yibil gek, midtep ginigabun. <sup>10</sup> Chin binib God ayip penpen gep yonok ñin ak, Ñine nop agyokek apil kumek, chinop dil ne ayip jimñil lak. Anib ak nigtep gipun, chinop dil ne ayip jimñil lil, tig asik dinigab. Chinop jimñil lil, Ñine pel midep ak wog ne gak ak abe niñid, chinop tig asik dinigab. <sup>11</sup> Pen anib ak nep mel. Biawl chin Jisas Klays ne chinop gek, God chinop dil ne ayip jimñil lak. Anib ak niñid, God nop tep agon chinop tep yibil gup.

*Adam gek binib pel kubal ak pen, Jisas gek binib pel midep ak dipal*

<sup>12</sup> Anib ak, bi nokom ne tap si tap timel gak ak nim, tap si tap timel gep ak lum awl owak. Pen tap si tap timel gep ak lum awl apek, kumeb ak abe owak. Anigek, binib okok midupsek kili tap si tap timel gilak tek, kumeb ak kilop gek kili midupsek kumilak. <sup>13</sup> Chin nopun, takaw Mosis ñu kil tikak ak ma tikak ñin ak, tap si tap timel gep ak lum awl yek. Pen ñin anib ak takaw anib ak ma tikak tek, God binib tap si tap timel gilak okok kilop takaw yek ak keligil ma agak. <sup>14</sup> Kumeb ak pen, binib okok kilop gek kumilak. Bilel Adam yek ñin ak, mid dad ap ap Mosis yek ñin ak owak ak, binib okok kili kumilak. Kili Adam ne God takaw kiles tibilikak tek ma gilak. Kili pen tap si tap timel oginap gel, kumeb ak kilop gek kumilak.

---

**5:10** Jon 14.19, Lom 8.7-8, 2 Ko 4.10-11, 5.18-19, Kol 1.20-21    **5:12** Stt 2.17, 3.6, 3.19, Lom 6.23, 1 Ko 15.21    **5:13** Lom 4.15, 1 Jo 3.4

**5:14** 1 Ko 15.21-22, 15.45

Adam, ne bi kidek ownigab ak bi anib ak tek yek. <sup>15</sup> Bi ominal anib ak pen keke gilek. Adam tap si tap timel gak ak olap ke yek, God chinop yimug ninid gitep gak ak olap ke yek. Bi nokom, ne tap si tap timel gek binib kunay yibil kumilak. God pen, ne Jisas Klays nop agyokek apil, binib kilop yimug ninid gitep gek, God binib suntep yibil ne okok yelak. God chinop yimug ninid gitep gep ak kiles timel yibil yek, kumeb ak kiles ma yek. Anib ak ne chinop kunay yibil tap tep anib ak ñak. <sup>16</sup> Pen abe, tap tep God chinop ñak ak olap ke yek, bi nokom tap si tap timel gek chinop gak ak olap ke yek. Bi anib ak tap si tap timel nokom olap gek, God binib okok kilop tig asik bilokek takaw awl ak owak. God pen kilop tap tep ñak ak anigil yek. Binib kili tap si tap timel kunay gilak won ak, kilop monmon ditep gek takaw ma yek. <sup>17</sup> Ned bi nim ak tap si tap timel nokom olap gek, tap si tap timel anib ak binib kilop gek, kumeb ak kilop midupsek kodak. God pen kilop pel yimug ninid gitep yibil gil, kilop monmon ditep gil agak, Binib suntep yad agak. Pen binib tap anib okok dinigabal okok, bi nokom olap Jisas Klays kilop gak. Kilop gek, kili Klays ayip midil ne ayip tap okok midupsek dil kod yenigabal. Kili anigil yenigabal okok, kili kiles timel yibil yenigabal, kumeb kiles ma yenigab.

<sup>18</sup> Anib ak tek, bi olap tap si tap timel nokom olap gek, binib midupsek takaw awl ak apek yul awl dilak. Anib ak nep bi olap ke, ne God agak tek nep gek, binib midupsek kili God ayip jimnil midil binib tep ne takaw ma mideb okok yenigel tek lak. Kili anigil midil, binib pel midep ak yelak.

19 Bi nokom olap God takaw nop tibilikil, kidek ma gak ak nim, binib midupsek kili binib tap si tap timel gilak okok yelak. Anib ak nep bi nokom olap God takaw nop nig dil kidek gak ak nim, binib midupsek kili binib suntep ne yenigel tek lak.

20 God agnek, Mosis ne takaw nu kil tikek, binib kili tap si tap timel kunay yibil gilak. Kili takaw anib ak ninid tap si tap timel kunay yibil gilak ak pen, God binib kilop yimug ninid gitep gep ak, ne gek amil amil tap awl yibil amnak. 21 Tap si tap timel gep ak, binonim tek midil binib kilop kodak. Kodil kilop gek, kili kumilak. Anib ak nep God ne yimug ninid gitep gep ne ak, binib kilop gek binib suntep ne okok midebal. Anib ak yimug ninid gitep gep ne ak, binonim tek midil binib kilop kod mideb. Anigek, Biawl chin Jisas Klays ne binib okok gek, pel pelnep yenigabal.

## 6

### *Chin Klays ayip kubun*

1 Anib ak chin tay aginogobun? Chin tap si tap timel pelpel gonigun, God chinop pelpel monmon yimug ninid gitep ginigab aginogobun akan? 2 Mel yibil, anib ma aginogun. Chin binib kumilak tek midil, tap si tap timel gep ak pisnep keliginok. Pisnep keliginok ak nim, titay dil tap si tap timel gep ak kidek ginigabun? 3 Nibi nigtep gipim, chin binib Klays Jisas ayip jimnil yonigun agil nig pakinok okok, nig pakinok won ak ne kumak ak

---

5:19 Ais 53.11    5:20 Jon 15.22, Lom 3.20, 4.15, 7.8, Gal 3.19, 3.23,  
1 Ti 1.14    5:21 Lom 6.23    6:1 Lom 3.5-8, 6.15    6:2 Lom 7.4,  
Gal 6.14, Kol 3.3, 1 Pi 2.24, 4.1    6:3 1 Ko 15.29, Gal 3.27

ayip jimñil kumnok. <sup>4</sup> Chin ñig pakil, ne kumak ak ayip jimñil kumon, God ne chinop Klays ayip kaw miğan ak kamak. Pen Nap Biawl yibil ak, ne kiles ne ke ak dil gek, Klays tepayan tikjakil kojim mideb. Anib ak nep chinop abe gek, kojim kideyil midobun.

*Chin Klays ayip kojim yonigabun*

<sup>5</sup> Anib ak, chin Klays ayip jimñil kumnok tek lup binib okok, ne tepayan tikjakak tek, anib ak nep chin abe tikjakinigabun. <sup>6</sup> Chin anigil nopun, chin pel timel goligipun ak, Klays mab bak alañ chipil pak tibik lel kumak anib bad ak pugilikak. Anigek, tap si tap timel gep ak kiles ne chinop kodoligup ak kul gup. Ak nim chin tap si tap timel gep ak, binib wog giñeb ne tek kidek ginigun okok miñil ma midobun. <sup>7</sup> Niñid apun, binib kubal okok, kili tap si tap timel gep ak muk okok ma yelak, kilop gos ak ma lup.

<sup>8</sup> Pen Klays ayip jimñil kumnok tek agil, gos nigtep gipun, ne ayip abe kojim midil pelpel yonigabun. <sup>9</sup> Chin nopun, God Klays nop gek tepayan tikjakak tek, tepayan kumnimon tek ma lup. Kumeb kiles ne ma mideb, tap olap Klays nop ginimon tek ma lup. <sup>10</sup> Ne ñin nokom olap kumak, kumak anib ak, tap si tap timel gep kiles ak taw jisipuk gak. Ne pen miñil kojim midil, God ayip jimñil pel mideb. <sup>11</sup> Anib ak nep, gos anib ak niginimib. Nibi binib kumilak tek midil, tap si

---

**6:4** Lom 8.11, Gal 6.15, Epe 4.22-24, Kol 2.12, 3.10      **6:5** Plp 3.10-11      **6:6** Gal 5.24, 6.14, Epe 4.22, Kol 2.11, 3.5, 3.9      **6:7** 1 Pi 4.1      **6:9** Lep 1.18      **6:10** Luk 20.38, Hib 9.26-28, 1 Pi 3.18      **6:11** Lom 6.2, 2 Ko 5.15, Gal 2.19, 1 Pi 2.24



tap timel gep ak pisnep keligipek. Klays Jisas yil midem, gos timud nib ak midupsek God yil amek, ne ayip jimñil pel midebim.

<sup>12</sup> Anib ak tek, tap si tap timel mubwak nibop ma kod yonimuj. Mel ak, tap si tap timel gep ak nibop lipigek, mubwak nibi ke gos timel ak kidek ginimib tek lup. <sup>13</sup> Pen tap si tap timel mubwak nibop ma kod yonimuj, ñin tob nibop okok lipig dad amek tap timel ma ginimib. Nibi pen binib kumil tepayan tikjakil konim midebal tek okok midebim. Anigil midebim anib ak tek, mubwak nibi ke dil God nop ñinimib. Pen God ne mubwak nibop kod midil, ñin tob nibop ak gek, yipid gil gitep ginimib tek lup. <sup>14</sup> Niğim. Ned takaw Mosis ñu kil tikak ak niñid ginigun agem gi dad amek, tap si tap timel gep ak nibop kodoligup. Miñil pen anib ak yil ma midebim. Miñil God nop muk okok midem, nibop yimug niñid gitep gek, tap si tap timel okok keligipim.

*Chin bi wog giñeb okok midil, yipid gil wog gipun*

<sup>15</sup> Takaw Mosis ñu kil tikak ak muk okok ma midobun. Miñil pen God ne chinop yimug niñid gitep gup anib ak tek, titay dinigabun? Tap si tap timel gi nep yonigun akan? Mel yibil, anib ma ginigun. <sup>16</sup> Nibi nigtep gipim akan? Nibi bi olap muk ne okok midil, takaw ne ak kidek genigabim, bi wog giñeb ne ak yenigabim. Anib ak nep tek, nibi tap si tap timel gipun ak kidek ginigun agil gem amek, tap anib ak nibop gek kumnigabim. Nibi

---

**6:12** Stt 4.7, Sng 19.13, 119.133    **6:13** Lom 7.5, 12.1, Epe 2.5, 5.14, Kol 3.5, Jem 4.1    **6:14** Lom 7.4-6, 8.2, Gal 5.18, 1 Jo 3.6    **6:15** Lom 6.1    **6:16** Mat 6.24, Jon 8.34, 2 Pi 2.19

pen God agup tek kidek ginigun agil gem amek, ne gek binib suntep ne yenigabim. <sup>17</sup> Ned nibop tap si tap timel gep gos anep lek, adek anib ak geligipim ak pen, kidek God takaw ak niñid dipek. Kili takaw anib ak nibop agñel, gos nibi nab ayanñ lil kidek gipim. Anib ak God nop tep aginigun. <sup>18</sup> Ned tap si tap timel gep ak nibop nag lak tek yeligipim ak pen, God nibop gek, nag lak anib ak wisibil midtep gipim. Pen nibop abe gek, binib wog giñeb ne okok midil ne agak tek kidek gipim. <sup>19</sup> Pen gos nibi nigtep ma gebim. Anib ak tek yad nibop binib agtep apal tek nep agebin. Ned mubwak gos nab ayanñ nedil nibop ak tunig dad amek, nibop tap si tap timel gep gos anep loligup. Gos anep lek, gi timel gil God takaw tibilikil, tap titimel gil gach sek yeligipim. Miñil anib ak nep pen, mubwak gos nab ayanñ nedil nibop ak tunig dad amek, nibop yipid gil gitep gep gos anep linimunñ. Gos anep lek, God binib suntep ne yibil nep yenimib.

<sup>20</sup> Ned tap si tap timel gep ak muk okok midil kidek geligipim won ak, God agak tek kidek ginigun agil gos ak ma yibil nigeligipim. <sup>21</sup> Pen geligipim anib ak, anigil tap tep tay deligipim? Geligipim anib ak miñil nigem nebenñ dipim. Pen binib anigel, kilop gek apyap pakil kubal. <sup>22</sup> Miñil pen tap si tap timel gep ak nibop nag lak tek ak, God gek nag lak anib ak wisibil midtep gipim. Midtep gilig, God binib wog giñeb ne okok midebim. Pen tap tep ne nibop ñinigab ak anigil mideb. God nibop gek, binib suntep ne yibil nep

midebim ak nim, pel pelnep yenigabim. <sup>23</sup> Niñid apun, tap si tap timel gep ak bi wog giñeb ne okok kilop tawup. Pen tawup anib ak, kumeb bad ak. God pen tap tep chinop monmon ñinigab ak anigil mideb, chin pel pelnep yonigabun. Biawl chin Klays Jisas yil midil, pel pelnep yonigabun.

## 7

*Takaw Mosis ñu kil tikak ak keligil, Klays nop chig tep ginigun*

<sup>1</sup> Nibi mam ay takaw Mosis ñu kil tikak ak nepim okok, nibop takaw anib ak agebin. Nib nepim, binib lum awl midil konjim midilakniñ, kili takaw Mosis ñu kil tikak ak kidek ginigun agil gos niginigabal. Kili pen kumenigabal, takaw anib ak kilop kod ma yenigab. <sup>2</sup> Takaw nab anib okok tek olap mideb. Bin olap bi dek, bi anib ak konjim mideb won ak, takaw Mosis ñu kil tikak ak bin anib ak ayip bi ayip kilop jimñil nag lup. Bine ak pen kumek, takaw nigimil ayip nag lup ak asikil, bin ak monmon amnimuñ tek lup. <sup>3</sup> Anib ak pen bin anib ak nigimil midakniñ, am bi kideyil olap niñid denigab, bin bi si dep mideb ak aginigabal. Nigimil pen kumek, am bi kideyil olap niñid denigab, bin bi si dep mideb ak ma aginigabal. Takaw ma mideb, takaw Mosis ñu kil tikak ak nop nag lup ak asikup.

<sup>4</sup> Anib ak tek mam ay yad okok, Klays mubwak ne chig tep gil, ne ayip kubek. Anigipim ak nim, takaw Mosis ñu kil tikak ak chichik deligipim ak keligipim. Bi olap ke, bi nim ak God nop

**6:23** Stt 2.17, Lom 2.7, 5.12, 5.15, Jem 1.15, 1 Pi 1.4    **7:2** 1 Ko 7.39

**7:3** Mat 5.32    **7:4** Lom 6.2, 6.11, 8.2, Gal 2.19, 5.22, Kol 2.14

gek tepayan tikjakak anop miñil chig tep gipim. Anigipim ak nim, God wog ne gitep gon nop tep ginimunj adek ak ginigun tek lup. <sup>5</sup> Ned mubwak gos nab ayan nedil chin ke ak kidek goligipun won ak, takaw Mosis ñu kil tikak ak chinop gak. Chinop gek, gos timud timel anib ak tikjakek goligipun. Anigek, chin tap si tap timel goligipun. Pen anigoligipun anib ak chinop gek, pel kumoligipun. <sup>6</sup> Miñil pen takaw Mosis ñu kil tikak ak chinop nag lup ak asikil, chin monmon amnigun tek lup. Chin kumil tikjakil midobun tek lup, tap ned chinop chichik doligup ak keligipun. Anib ak tek wog miñil gobun ak, takaw kiles mij migan ayan kil tik lek pel apal wog ak ma gobun. God Kawnan ne ak chinop gek, wog kideyil ak nop giñobun.

*Tap si tap timel gipun ak chinop gek mid timel gipun*

<sup>7</sup> Anib ak chin tay aginigobun? Takaw Mosis ñu kil tikak ak, takaw timel tikak aginigun akan? Mel yibil, anib ma aginigun. Pen takaw Mosis ñu kil tikak ak ma midil, yip yomek tap akal tek timel gep ak niginim tek ma lak. Niginim tek ma lek, tap si tap timel anib ak tap tay tek agil ma nepin. Takaw Mosis ñu kil tikak ak olap agak, Binib oginap tap kilop okok, yad tek yobikop agil gos ak ma niginimib agak. Pen takaw anib ak ma agonimunj, yad ma nepnep tek, tap yip tek yobikop gos anib ak niginek tek, gos timel niginek. <sup>8</sup> Pen tap si tap timel gep ak, ne takaw Mosis ñu kil tikak anib ak dil gek, midupmidup yip tikjakak. Tikjakek, yad

---

**7:5** Lom 6.13, 6.21, Gal 5.19, Jem 1.15    **7:6** Lom 2.29, 6.4, 8.2, 2 Ko 3.6    **7:7** Kis 20.17, Lo 5.21, Apo 20.33    **7:8** Lom 4.15, 5.20, 1 Ko 15.56

binib oginap tap kilop okok, yad tek yobikop agil gos ak nepin. Pen takaw Mosis ñu kil tikak ak ma yobikop, tap si tap timel gep ak kiles ma yobikop.

<sup>9</sup> Yad ned takaw Mosis ñu kil tikak ak ma ninjid, midtep gil konim yenek. Kidek pen takaw anib ak apjakek, tap si tap timel gep ak tikjakil kiles dil yip gek, <sup>10</sup> yad kumnek. Takaw Mosis ñu kil tikak ak wog anigil mideb, binib kilop gek midtep gil konim yenigel tek lup. Takaw anib ak yip agel niginek ak pen, midtep gil konim ma yenek. Yip gek kumnek.

<sup>11</sup> Tap si tap timel gep ak, ne takaw Mosis ñu kil tikak ak dil, yip yepis agak. Anigil paklek kumnek.

<sup>12</sup> Anib ak nim takaw Mosis ñu kil tikak ak, God ne ke takaw anib ak agak ak, takaw suntep mideb. Pen takaw kiles ne keke adek ak abe, God ne ke takaw anib ak agak ak, takaw suntep mideb. Suntep midil, yipid gil nep yibil midil, binib okok kilop ditep gup. <sup>13</sup> Anib ak titay dup? God takaw tep anib ak yip gek kumnek akan? Mel yibil. Tap si tap timel gep ak nep yip gek kumnek. God ne tap si tap timel gep ak misen linimun agil gos nigak. Anib ak tek God tap si tap timel gep ak keligek, tap timel anib ak takaw tep nab okok apjakil, yip gek kumnek. Tap si tap timel gep ak anigek, chin ninjid nopun, tap si tap timel gep anib ak tap titimel yibil gach awl yibil mideb.

*Tap ma ginigun apun okok nep gipun*

<sup>14</sup> Chin nopun, takaw Mosis ñu kil tikak ak, God Kawnan ne ak gos ñek tikak ak pen, yad bi tap

---

**7:9** Jem 1.15    **7:10** Wkp 18.5, Ese 20.11-13, 20.21, Lom 10.5, 2 Ko 3.7    **7:11** Stt 3.13, Hib 3.13    **7:12** Sng 19.8, 119.138, 1 Ti 1.8

**7:13** Lom 5.20    **7:14** Sng 51.5, Jon 3.6

lum awl yil gos nepin ak midebin. Anigil midil, gos timud yip ak pel amub, tap si tap timel gep adek ak. <sup>15</sup> Tap tep gin agil nepin adek ak ma gipin, tap timel ma gin agil nepin adek anep gipin. Pen taynen anigipin ak ma nepin. <sup>16</sup> Pen tap timel ma gin agil nepin ak gil nim, ak yip yomub, yad takaw Mosis nu kil tikak ak takaw tep mideb agil gos nepin. <sup>17</sup> Anib ak yad ke tap timel anib okok ma gipin. Tap si tap timel gos yad nab ayan tikjakek nim, tap timel anib okok gup. <sup>18</sup> Yad nepin, yad bi tap lum awl yil gos nepin ak, tap tep olap gos yad nab ayan ma mideb. Anib ak tek tap tep gin agil gos nepin ak, yad kiles ma midil, tap tep anib okok ginim tek ma lup. <sup>19</sup> Ninid apin, tap tep gin agil nepin ak, anib okok ma gipin. Pen tap timel ma gin agil nepin anep pel gipin. <sup>20</sup> Pen yad tap ma gin agil nepin ak pel gipin anib ak tek yad nepin, yad ke tap timel anib okok ma gipin. Tap si tap timel gos yad nab ayan tikjakek nim, tap timel anib okok gup.

<sup>21</sup> Anib ak tek yad nepin, tap anib ak ne midil yip gup. Yad tap tep ak gin agil gos nepin won ak, gos timel wulep sijnak mideb. <sup>22</sup> Ninid apin, gos timud yad ak, takaw God agek Mosis nu kil tikak ak ninid miñmiñ timel yibil gup. <sup>23</sup> Anigup ak pen, mubwak gos yad nab ayan ke midil, anib ak ke gup. Ke midil anib ak ke gek, God takaw gos timud yad migan mideb ak ayip penpen gipil. Gos ke midil anib ak ke gup ak, mubwak yip tunig dad amub, tap si tap timel gep ak nep. <sup>24</sup> Yad bi chib gep, miñmiñ ma

---

**7:15** Gal 5.17    **7:18** Stt 6.5, 8.21    **7:22** Sng 1.2, 2 Ko 4.16, Epe 3.16    **7:23** Lom 6.13, 6.19, Gal 5.17, Jem 4.1, 1 Pi 2.11

gipin. Mubwak yad ak kumeb tek mideb. Bi an yip dek, mubwak yad ak keligil midtep ginigayn? <sup>25</sup> God nokom, ne Biawl chin Jisas Klays wog ne ak ninid, yip dek midtep ginigayn. Anib ak tek God nop tep apin.

Anib ak takaw apin awl, anigil mideb. Gos timud yad ak amub, God takaw ne ak. Pen tap si tap timel gep ak, ne mubwak gos yad nab ayan nedil tunig dad amub, tap si tap timel gep ak yip kodup.

## 8

*Klays tap timel chinop ak tig walig giyokil, God Kawnan ne ak ñub*

<sup>1</sup> Anib ak tek chin Klays Jisas yil midobun okok, God chinop takaw awl agek yul awl ma dinigabun.

<sup>2</sup> Taynen? Chin Klays Jisas yil midobun okok, God Kawnan ne ak chinop kod mideb. Kod mideb nim, tap si tap timel gep ak sek kumeb ak sek nibop nag lak tek yeligipim ak keligil, pelpel midtep gipim.

<sup>3</sup> Binib mubwak gos nab nedil ayan, kiles midil takaw Mosis ñu kil tikak ak kidek ginimun tek ma lup. Anib ak tek takaw Mosis ñu kil tikak ak kilop gek, tap si tap timel gep ak keliginigel tek ma lup. Pen binib tep ma midebal tek, takaw anib ak ag dad amil, midtep ginigel tek ma lek, God ne gak. Ne Ñine ke agyokek, apil bi silokil, binib tap si tap timel gipal tek bi yibil lak. Ne tap si tap timel gipal ak diyokinigayn agil, apil mubwak ne ke ñak. Anigek, God ne tap si tap timel gep kiles ak gek,

**7:25** Lom 6.13, 6.19, 1 Ko 15.57, Gal 5.17      **8:1** Lom 8.34, 8.39

**8:2** Jon 8.36, Lom 7.23-25, 2 Ko 3.6, Gal 2.19      **8:3** Apo 13.38-39, 15.10, Lom 3.20, 2 Ko 5.21, Plp 2.7, Hib 4.15, 7.18-19

pisnep apyap pakak. <sup>4</sup> Miñil pen chin mubwak gos nab nedil ayan anib ak tek kidek ma gobun. Chin God Kawnan gos ne ak kidek gobun. God ne anigil gos nigup, tap teplep takaw Mosis ñu kil tikak miñan ayan mideb ak, gos timud chin ayan awl ginimun agil, tap si tap timel gep kiles ak gek, pisnep apyap pakak.

<sup>5</sup> Binib mubwak gos nab ayan nedil ak niñid kidek gipal okok, kili minek minek tap anib okok ginigun agil gos nepal. Binib pen God Kawnan ne anop niñid kidek gipal okok, kili minek minek God Kawnan ne ak gos nigup ak ginigun agil gos nepal.

<sup>6</sup> Niñim. Binib gos nab ayan nedil ak niñid adek anib ak gel amub okok, kili kumniñabal. Binib pen God Kawnan ne ak gos nigup ak niñid kidek gel amub okok, kili pelpel midil kimigel midtep ginigabal. <sup>7</sup> Anib ak binib mubwak gos nab ayan nedil ak niñid, gos kili ke niñid gipal okok, God ayip jimñil ma midil, God nop milik niñid penpen gipal. Kili God takaw agak ak kidek ma gipal. Pen God takaw agak ak ginigel tek ma yibil lup. <sup>8</sup> Pen binib anib okok mubwak gos nab ayan nedil ak niñid kidek gipal okok, kili gel nop tep ginimun tek ma lup.

<sup>9</sup> Nibi pen mubwak gos nab ayan nedil ak niñid kidek ma gipim. Mel. Kawnan ne ak nibop nab ayan yek nim, gos nigup ne ak niñid kidek gipim. Binib pen Klays Kawnan ne ak miñan ayan ma midil nim, kili Klays binib ne ma midebal. <sup>10</sup>

---

**8:4** Gal 5.16, 5.25    **8:5** Jon 3.6, 1 Ko 2.14, Gal 5.22, 5.25    **8:6**  
Lom 6.21, 8.13, Gal 6.8    **8:7** Mat 12.34, Jon 8.43, 12.39, 1 Ko 2.14,  
Jem 4.4    **8:9** 1 Ko 3.16, 12.3, Gal 4.6, Plp 1.19, 1 Pi 1.11    **8:10**  
Gal 2.20, Epe 3.17, 1 Pi 4.6



Tap si tap timel gipim ak nibop gek, mubwak nibi kumub. Klays pen nibop migan ayan yek nim, God binib suntep ne midebim. Midem, God Kawnan ne ak nibop gek pelpel midtep gipim. <sup>11</sup> God ne Jisas Klays nop gek tepayan tikjakak. Pen God Kawnan ne ak nibop migan ayan mideb. God nim ak, ne Kawnan ne anib ak kiles ak dil, mubwak kumeb nibop ak abe ginigab. Mubwak kumeb nibop ak gek, konjim midil pelpel yenigabim.

*God Kawnan ne ak chinop gek, God ñapay ne midobun*

<sup>12</sup> Anib ak mam ay sikop, chin God Kawnan ne ak muk okok yonigun. Mubwak gos nab ayan nedil ak muk okok midil kidek ma ginigun. Ak mel. <sup>13</sup> Adek anib ak kidek gem amek, kumnigabim. Nibi pen God Kawnan ne ak kiles ak dil, tap timel mubwak nibi ak gem kumek amek, pelpel midtep ginigabim. <sup>14</sup> Chin nopun, binib God Kawnan ne ak kilop ponid amek nop kidek gipal okok, kili God ñapay ne midebal. <sup>15</sup> God ne Kawnan ne anib ak nibop ñek dipim ak, ne nibop gek God ñapay ne midebim. Ne nibop gek, binib wog giñeb okok midil adikil ma pilikipim. God Kawnan ne ak chinop kod yek, God nop suk agil apun, Apa, \* Bapi apun. <sup>16</sup> God Kawnan ne ak, ne ke kawnan chin ayip jimñil midil, takaw misen apun, Chin binib God ñapay ne midobun apun. <sup>17</sup> Pen ñapay ne

---

**8:11** Apo 2.24, 1 Ko 3.16, 6.14, 2 Ko 4.14, Epe 2.5    **8:13** Gal 6.8, Epe 4.22, Kol 3.5    **8:14** Gal 5.18    **8:15** 1 Ko 2.12, 4.6, 2 Ti 1.7, Hib 2.15    **8:15** Gal 4.5-7    \* **8:15** Takaw Alam ak, Jisas takaw yibil ne. Pen kili Bapi aginig, Apa apal.    **8:16** 2 Ko 1.22, Epe 4.30    **8:17** Apo 26.18, Gal 4.5-7, Plp 1.29, 2 Ti 2.11-12, Lep 21.7

midobun tek, God tap teplep ne ñinigab aglak ak dinigabun. Ñine Klays nop ditep gup tek, chinop abe ginigab. Pen chin miñil yul awl donigun, Klays ned yul awl dak tek, kidek ne ayip yib awl dil midtep yibil ginigabun.

*Kidek God man ne alañ amil, yib awl dil midtep yibil ginigabun*

<sup>18</sup> Yad anigil gos nepin, God chinop gek, yib awl dil midtep yibil ginigabun. Pen tap teplep dinigabun anib ak, God chinop yomek nigtep ginigabun. Pen abe nepin, tap anib okok tap teplep awl yibil mideb, yul awl miñil ñin awl dipun ak tap sikol sikol mideb. <sup>19</sup> Niñid apun, tap okok midupsek God ne gilak ak, kili God ñapay ne kilop misen lek nigginigabun agil, ñin anib ak kod midebal. Tap God gilak anib okok nim, kimig cheg kili dad aplanil okok okok nig midil, ñin akal tek God aniginigab agil nig midebal. <sup>20</sup> Miñil tap ne gilak anib okok yokip midil, midtep ginimun tek ma lup. Pen gup anib ak, tap ne gilak okok chin anigil yonigun agil gos ma nepal. Gup anib ak, God ginigab agak tek nep gup. Ne agak, Tap gilinek okok gen, midtep ma gil, gi dam dam kidek tepayan gen, midtep ginigab agak. Pen God gek midtep ginigun agil, gos sek kod midebal. <sup>21</sup> Anib ak tap gilak anib okok, kumil kuy gep tek mideb ak, kilop nag lak tek midebal. Kidek pen God ne tap anib okok midupsek ayip, ñapay ne okok ayip, kilop nag wisib yokinigab. Wisib yokek, sun amil, yib awl dil, midtep yibil ginigabal.

22 Chin nopun, tap God gilak anib okok midupsek, bin ñapay tikiñig gel yul gup tek ak gi mideb. Miñel gek añiñ pogup, aniñil gi dad apil miñil ñin awl owup. 23 Pen tap anib okok nep miñel gek añiñ ma pogup. Mel. Chin abe miñel gek añiñ pogipun. Chin God Kawnan ne ak dipun. God tap teplep kuñay yibil chinop ñinim agil, Kawnan ne tap ned ak chinop ñub. Pen ñin akal tek chinop pisnep dek mubwak chin koñim amil, ñapay ne yoniñabun agil, lum awl miñel gek añiñ pogilig kod midobun. 24 Chin God ne chinop tap teplep ñil ditep ginigab agil, gos sek kod midon nim, chinop tig asik dak. Pen ñin anib ak chinop tap teplep ñil ditep gipikop ak, gos sek kod ma yobinop. Chinop tap teplep ñil ditep ginigab ak pen kod midobun. 25 Pen God miñil ma gup. Ne chinop kidek tap teplep ñil ditep ginigab ak niñid nim, yilik gaksiñ ma kod midobun. Gos sek kod midobun.

26 Pen God Kawnan ne ak abe, ne chinop binib kiles ma midobun okok kod midil giñub. Chin God nop agniñun apun ak pen, takaw tay ak dil aginiñun agil ma nopun. Anib ak chin koslam agep tek lup won ak, God Kawnan ne ke chinop niñid, God nop kiles gil agniñun. God Kawnan ne ak yigen bad tek agñub. Chin bi takaw apun ak mel, yigen bad tek agñub. 27 God pen binib gos kili nab ayan midupsek keke niñteped gup ak, Kawnan ne gos nop ak abe niñun. Taynen? Kawnan ne agup ak, ne God gin agil niñun adek anep niñun. Niñid, binib Klays yil midebal okok kilop nen kiles

**8:23** 2 Ko 5.2-4, Gal 5.5, Epe 1.14, 4.30      **8:24** 2 Ko 5.7, Hib 11.1

**8:26** Sek 12.10, Epe 6.18, Jem 4.3      **8:27** Sng 7.9, 139.1, Apo 1.24,  
1 Ko 4.5, 1 Te 2.4, 1 Jo 5.14

gil agnigup.

<sup>28</sup> Chin nopun, binib God nop mapen lipal okok, kilop anigup. God ne tap okok mideb ak sek, tap titay gup ak sek kod mideb. Anib okok midupsek kod midil gek, tap anib okok binib kilop gitap gup. Binib God nop mapen lipal anib okok, ne ke kilop dinim agil gos ninid, kilop suk agil agak. <sup>29</sup> God binib kilop dinim agil gos nigup anib okok, kilop bilel gos ninid gos ne ke nep kidek gil kilop aglil agak, Yad gen kili ñi yad mideb tek yenigel agak. Anigek, Klays ne nimam ned ak yek, nimam ninay ne kidek okok kunay yibil yenigabal. <sup>30</sup> Pen ne binib bilel gos ne ke nep kidek gil kilop aglak okok, kilop suk agil agak. Pen ne binib kilop suk agil agak okok, kilop gek ne ayip jimnil midil binib tep ne takaw ma mideb okok yelak. Pen ne binib kilop gek ne ayip jimnil midil binib tep ne takaw ma mideb yelak okok, kilop yib awl ñek pel midtep yibil gilak.

*Tap olap chinop gek, Klays chinop mapen lup ak pal okok yonigun tek ma linigab*

<sup>31</sup> God anib okok gak anib ak, chin tay aginigobun? God chinop kod mideb ak nim, tap olap chinop ginimun tek ma lup. Mel yibil. <sup>32</sup> God ne Ñine nop ma diyek. Mel. Ne chinop nen agil, Ñine nop agyokek apil kumak. Ne Ñine nop anigil ñak, anib ak tek chin nigtep gipun, tap teplep okok midupsek abe chinop monmon ñinigab. <sup>33</sup> Binib

---

**8:28** Lom 9.11, 9.23-24, Epe 1.11, 2 Ti 1.9      **8:29** Jon 17.22, 2 Ko 3.18, Epe 1.5, 1.11, Kol 1.5, 1.11, 1.18, 2 Ti 2.19, Hib 1.6      **8:30** Lom 9.24, 1 Ko 6.11, Epe 4.4, 1 Pi 2.9      **8:31** Nam 14.9, Sng 118.6      **8:32** Jon 3.16      **8:33** Ais 50.8

God kilop aglak okok, an tek kilop takaw oginap aginimun tek linigab? Olap ma mideb. God ne gek, ne ayip jimñil midil binib tep ne takaw ma mideb okok midebal. <sup>34</sup> Pen an tek kilop tig asikilig agjunimun tek linigab? Olap ma mideb. Klays Jisas ne kumek God nop gek tepayan tikjakak ak, ne am God ñin yipid kid ne okok ken midil, chinop nen God nop agniñ mideb. <sup>35</sup> Klays chinop mapen lup ak nim, an chinop gek, Klays chinop mapen lup ak pal okok yonigun tek linigab? Chinop gi timel gel yul awl dinigabun akan, miñel oginap apil koslam yonigabun akan, chinop gi timel yibil ginigabal akan, yuwan awl ownigab akan, chech ma yenigab akan, tap timel chinop gek kumeb tek yonigabun akan, chinop ñaglinigabal akan, tap anib okok chinop gek, Klays chinop mapen lup ak pal okok yonigun tek linigab akan? Mel, tap olap aniginimun tek linigab ak ma mideb. <sup>36</sup> Tap timel anib okok chinop aniginigab ak, buk Baybol ak tikil agak,

Chin nep yil midobun tek, kili pelpel chinop paklinig gel, kumeb tek midobun agil tikak.  
Kili chin chag sipsip tek lek niñid, paklun kumnigel agil nepal agil tikak.

<sup>37</sup> Kumeb tek midobun ak pen, Klays chinop mapen lup ak ne gek, chin tap chinop gup okok midupsek yuk yokinigun tek nep lup. <sup>38</sup> Pen yad anib ak gos nigtep yibil gipin. Kumeb akan pel midep okok, ensel akan kicheki okok, tap

---

**8:34** Sng 110.1, Apo 7.55-56, Kol 3.1, Hib 7.25, 9.24, 1 Jo 2.1    **8:35**  
Lom 8.38-39    **8:36** Sng 44.22, 1 Ko 15.30-31, 2 Ko 4.11    **8:37** Jon  
16.33, 1 Ko 15.57, 2 Ko 2.14, 1 Jo 4.4, Lep 12.11    **8:38** Epe 1.21, Kol  
1.16, 2.15, 1 Pi 3.22

miñil mideb akan tap kidek ownigab okok, tap kiles timel mideb okok, <sup>39</sup> tap adek alan mideb akan tap muk ayan mideb okok, tap titay God gilek mideb okok midupsek, olap chinop gek, God chinop mapen lup ak pal okok yonigun tek ma linigab. Mel yibil. Biawl chin Klays Jisas yil midon God ne chinop mapen lup.

## 9

### *God gos ne ke niñid, Yislel binib kilop dak*

<sup>1</sup> Yad Klays bine midebin tek, niñid yibil aginigebin, yepis ma aginigebin. God Kawnan ne ak yip kod midil gos ñek, chibol nab yad ayan midtep gek yad anigil nepin, niñid yibil aginigebin. <sup>2-3</sup> Pelpel binib yad Yislel okok kilop gos nigen, yip miñel awl yibil gакnñg gos awl yibil nepin. Pen yad anigil gos nepin, God binib yad okok kilop dinimunñ. Anib ak Klays ne gos yad ak kidek gonimunñ tek lenigab, yad nop agniñid agebin, Yad binib yad nab okok miden yip diyoke mab ke yineb ayan pisnep amen, binib yad okok kili tep yad ak dinigel agebin. Anigil gipikop, tep yibil yobikop. <sup>4</sup> Binib anib okok, Yislel binib midebal. God kilop agek ñapay ne midel, kiles ne ak milek tep ne ak kilop yomek nigilak. Ne kilop takaw ag adek nokom lil, takaw ne agek Mosis ñu kil tikak ak kilop ñak. God ne kili yip anigil kigom yimil agniñigel agil, anib anib ginimib ak agek anigilak. Tap olap ginigayn agil aglak okok kilop agñak. <sup>5</sup> Based kili yib awl yibil dilak. Jij nokom

---

**9:2-3** Kis 32.32    **9:4** Kis 4.22, 9.4, Lo 7.6, 14.1-2, Apo 3.25, 13.22, Epe 2.12, Hib 8.8-10, 9.1    **9:5** Mat 1.1-16, Jon 1.1, Lom 1.25

anib anep tik dad amil apil gil, Klays nop bi yibil tek tik lilak. Klays nop tik lilak anib ak, ne God mideb, Biawl yibil midil tap okok midupsek kod mideb. Anib ak yib nop pel pelnep dad aplanigun. Yaw.

*God ne Yislel binib kilop tap gak ak*

<sup>6</sup> Yad pen God ne tap olap ginigayn agil aglak ak, apyap pakak agil ma agebin. Mel. Chin nopun, Yislel binbi midebal okok, kunay yibil Yislel binbi ninid yibil mel. <sup>7</sup> Pen abe, Eblaham binib ne tikek tik dad amil tikilak okok, kunay yibil Eblaham binib ne ninid yibil mel. God pen Eblaham nop anib agak, Ninak Aysak tike tikel amnigab okok, kilop nep napay nad aginigayn agak. <sup>8</sup> Takaw agak anib ak, jij ak anigil mideb. Eblaham napay ne tikek tikel amnigab okok, kili God napay ne midebal agil gos ma niginigun. Mel. God pen Eblaham nop tap olap ginigayn agil aglek, Eblaham ni anib ak tikek tikel amnigab okok, kili nep Eblaham napay ne yibil midebal agil gos niginigun. <sup>9</sup> Pen God tap olap ginigayn agil aglak ak, ne anib agak, Nin olap yad aglinek ak, adikid apen, bin nad Sala ni olap tikinigab agak.

<sup>10</sup> Pen adek anib ak nep, takaw olap sek mideb. Ni ominal bin Lebeka kilop tam sek tikak ak, nap nokom yelak. Bi nim ak based chin Aysak. <sup>11-12</sup> Pen ni ominal ma tikak won ak, kili gitep gep akan gi timel gep ak, anigil ma gel, God Lebeka nop agak, Ni nad ned tikinigaban ak, ne ni kidek ak

---

**9:6** Nam 23.19, Jon 8.39, Lom 2.28, 3.3, Gal 6.16    **9:7** Stt 21.12, Gal 4.23, Hib 11.18    **9:8** Gal 4.23    **9:9** Stt 18.10, 18.14    **9:10** Stt 25.21    **9:11-12** Stt 25.23

muk okok midil, wog nop giñinigab agak. Anib ak chin nopun, God gos ne ke niñid pelpel gup ak, ne kidek gil, binib okok kilop aglup. Ne binbi wog gipal ak niñid, kilop ma aglup. Gos ne ke niñid, kilop suk agil aglup. <sup>13</sup> Tap anib okok, buk Baybol ak anigil tikil agak, Ni kidek Jekop nop nigen yip tep gup, ni ned Yiso nop nigen yip tep ma gup agak.

<sup>14</sup> Anib ak chin tay aginogobun? God yipid gil ma gup aginogun akan? Mel yibil, anib ma aginogun. <sup>15</sup> Ne Mosis nop anib agak,

Yad bi an nop mapen niñid ditep ginig, nop mapen niñid ditep ginigayn agak. Yad bi an nop chib niñid gitep ginig, nop chib niñid gitep ginigayn agak.

<sup>16</sup> Anib ak, God binib okok kilop aglinig, gos kili ke nepal ak niñid, wog kiles gipal ak niñid, kilop ma aglup. Mel. Binib kilop mapen niñid ditep gup okok nep, kilop aglup. <sup>17</sup> Pen buk Baybol migan ayan, God ne man Yijip adan binonim olap nop, takaw olap agak. Anib agak, Gos yad anigil mideb, yad nep gi timel yibil gek, kiles awl yad ak misen linigab agak. Misen lek niñid, binib okok kili man okok midupsek agñinigabal, God yib awl yibil mideb agñinigabal agak. Anib ak tek yad nep Yijip binonim ak aglebin agak. <sup>18</sup> Anib ak chin nopun, God gos ne ke nigup tek, binib oginap kilop mapen niñid ditep gup. Pen God gos ne ke nigup tek, binib oginap kilop gek, gos kili nepal ak kidil amek nop ma dipal. <sup>19</sup> God anigup ak, bi nibi olap niñid

---

**9:13** Lo 21.15, Mal 1.2-3, Luk 14.26      **9:14** 2 Sto 19.7, Jop 8.3, 34.10, Sng 92.15      **9:15** Kis 33.19      **9:16** Epe 2.8      **9:17** Kis 9.16, Gal 3.8, 3.22      **9:18** Kis 4.21, 9.12, 14.4      **9:19** 2 Sto 20.6, Jop 23.13, Dan 4.35



anib aginigaban, God ne ke tap okok ginim agil gos nigup aginigaban. Chin God gos timud nop ak tibilikep tek ma mideb aginigaban. Anib ak taynen ne tap timel gipun ak ninid, chinop takaw awl aginigab aginigaban. <sup>20</sup> Nad pen anib aginigaban ak, nad biawl an tek midil, God takaw nop ak day dinigaban? Day dil, takaw nop ak tibikinigaban. Bi olap lum ak dil, sige cheg ak gilinigab ak, sige cheg ne bi anib ak nop pen agonimuŋ, Yip taynen anigil gilipan agil agonimuŋ tek ma lup. Mel yibil. <sup>21</sup> Bi sige cheg gilinigab ak, gos ne ke nigeŋ nop tep ginigab tek gilinigab. Lum bad nokom olap tigiluk dad apil, sige cheg omiŋal gilil, olap sige cheg teplep ak wog ne teplep yibil ginigab ak, olap sige cheg yokip ak wog ne yokip ginigab ak gilak. Ak takaw ma mideb.

<sup>22</sup> God ne anigup ak anib ak nep mideb. Ne binib kilop timel ninid yul awl ñibin ak miseŋ len, kiles timel yad ak nigtep gilariŋ agil gos nigup. Anib ak tek binib anib okok, kili sige cheg tek midebal ak, kilop timel ninid yul awl ñinigab. Ne kilop gi timel ginig ab pen, kasek ma gup. Kilop keligil mid dad amil, kidek won ak gi timel gek kul ginigabal. <sup>23</sup> Pen ne binib kili kiles timel yad ak milek tep awl yibil yad ak abe nigtep gilariŋ agil gos nigup. Binib kilop mapen nigup okok, kili sige cheg tep tek midebal ak, kiles ne milek tep ne anib ak kilop monmon ñub. Pen binib anib okok, God bilel kilop gek, kili kiles ne milek tep ne ak dinig midebal. <sup>24</sup> Binib God kilop mapen ninid suk agil agak okok, chin nep nim. Pen chin Juda binib okok nep mel, chin

**9:20** Ais 29.16, 45.9, 64.8  
8.28-30, Epe 1.3-12, Kol 1.27

**9:21** Jer 18.6, 2 Ti 2.20

**9:23** Lom

binib Juda mel okok abe suk agil agak. <sup>25</sup> Takaw anib ak tek, buk Baybol migan ayan bi Hoseya ne tikak ak, God anib agak,

Binib kili binib yad ma yeligipal okok, kilop binib yad aginigayn agak. Pen binib man wakay olap nib kilop mapen ma leligipin okok, kili binib mapen yad aginigayn agak.

<sup>26</sup> Pen man kili yeligipal ak yad kilop aginek, Nibi binib yad ma midebim aginek agak. Pen man kili anib ak nep, kilop aginigayn, Yad God pel midep ak, nibi napay yad midebim aginigayn agak.

<sup>27-28</sup> Pen buk Baybol migan ayan bi Aysaya ne tikak ak, ne Yisrel binib kilop gos nijid takaw kiles gil agak,

Biawl ak ne binib lum awl yenigabal okok kilop tig asik bilokil, kasek gi day junigab agak. Pen Yisrel binib, kili nig solwala gol okok kab kilup tek kunjay yibil yenigabal ak pen, Biawl ak ne yep kab olap nep tig asik dinigab agak.

<sup>29</sup> Tap anib okok, ned Aysaya ne aniginigab agak tek gak. Ne anib agak,

Biawl kiles ne midupsek di mideb ak, ne binib chinop yep kab olap nep tig asik dup agak. Pen ma tig asik dil nim, chinop gi timel gek pisnep kul gipinop agak. Binib taun Sodom ayip taun Gomola ayip kilop gi timel gek pisnep kul gilak tek, chinop gipikop agak.

*Yisrel binib kili God nop gos ma linepal*

---

**9:25** Hos 2.23, 1 Pi 2.10

**9:26** Hos 1.10

**9:27-28** Lom 11.5

**9:27-28** Ais 10.22-23

**9:29** Ais 1.9, 13.19, Jer 50.40

<sup>30</sup> Anib ak chin tay aginigobun? Anib aginipun. Binib Juda mel okok, kili God agak tek kidek gil yipid gil yonipun agil gos ak ma nigeligipal. Ma nigeligipal ak pen, God agak tek kidek gil yipid gil midebal. Kili God nop gos linigel God kilop gek, God agak tek kidek gil yipid gil midebal. <sup>31</sup> Yisiel binib pen, kili takaw Mosis ñu kil tikak ak kidek gil, chin aniginipun ak nim, God agak tek kidek gil yipid gil yonigabun agil, gos ak nigeligipal. Kili gos anib ak kiles gil kidek geligipal ak pen, anib ak ma dipal. <sup>32</sup> Taynen ma dipal? Kili kiles chin ke wog gil, God agak tek kidek gil yipid gil yonipun agil, anigipal. Kili God nop gos linigid, yipid gil yonipun agil, gos anib ak ma nepal. Kab adek ak amnigel tek midakniñ, tob kili ak aldek apyap pakipal. <sup>33</sup> Takaw anib ak tek buk Baybol ak tikil agak, Nigim. Yad taun Sayon kab olap len, binib okok tob kili ak adek anib ak aldek apyap pakinigabal agil tikak. Kab kiles timel anib ak, tob kili ak aldek midun amil apyap pakinigabal agil tikak. Pen binib nop gos liniginigabal okok, neberj ma dinigabal agil tikak.

## 10

### *Yisiel binib kili God ne pel gup ak ma nepal*

<sup>1</sup> Mam ay sikop, gos yad nab ayan nepin ak anigil mideb, God ne Yisiel binib kilop tig asik dinimun. Pen yad God nop anigil pel agnepin. <sup>2</sup> Yad kilop

**9:30** Lom 1.17, 4.11, 10.20  
Ais 8.14, Luk 2.34, 1 Ko 1.23  
21.42, Lom 10.11, 1 Pi 2.6-8

**9:31** Lom 10.2-3, 11.7, Gal 5.4 **9:32**  
**9:33** Sng 118.22, Ais 8.14, 28.16, Mat  
**10:2** Apo 21.20, 22.3, Gal 1.14, 4.17

nigtep gil anib apin, Kili God nop ditep gun agil, kiles yibil gipal apin. Kili pen tap titay gon God nop tep ginigab agil, gos nigtep ma gipal. <sup>3</sup> God binib kilop gek, kili binib suntep ne yenigabal ak, anib ak kili gos ma nepal. Kili pen gos chin ke kidek gil, God binib suntep ne yonigun agil, gos anib ak nepal. Anib ak kili God gos ne ak kidek gil muk okok ma midel, ne kilop gek binib suntep ne yenigel tek ma lup. <sup>4</sup> Chin nopun, Klays ne takaw Mosis ñu kil tikak ak gek, takaw anib ak gijuwak. Anib ak, binib Klays nop gos linopal okok midupsek, kili God binib suntep ne midebal.

<sup>5</sup> Binib oginap kili chin takaw Mosis ñu kil tikak ak kidek gun agil gos nepal. Anigon, God binib suntep ne yonigabun agil gos nepal. Binib anib okok, Mosis kili anigipal ak gos ninid tikil agak, Bi God takaw ak midupsek dil kidek ginigab ak, ne konim midil pel yenigab agil tikak. <sup>6</sup> Binib oginap pen kili Klays nop gos linigel God kilop gek, binib suntep ne midebal. Buk Baybol ak kilop anib okok gos ninid tikil agak, Nad gos nad nab ayan mideb ak, takaw anib ak ma agninid aginimin, Anil God man ne alañ amnigab aginimin agil tikak. Takaw anib ak jii ak anigil mideb, an yil God man ne alañ amil, adikid Klays nop ponid ownigab? <sup>7</sup> Pen abe tikil agak, Takaw nim ak, Anil kaw migan kilun ma tikak ak amnigab ak, abe ma aginimin agil tikak. Takaw anib ak jii ak anigil mideb, an yil kaw migan kilun ma tikak binib kubal tep ak amil, adikid Klays nop ponid ownigab? <sup>8</sup> Takaw kil

**10:3** Lom 1.17, 9.30-32, Plp 3.9     **10:4** Mat 5.17, Jon 3.18, Gal 3.24

**10:5** Wkp 18.5, Neh 9.29, Ese 20.11-13, Lom 7.10, Gal 3.12     **10:6**  
Lo 30.12-14

tikak anib ak pen anib agak, God takaw ne ak nad mideban wulep sijak mideb agil tikak. Meg miġan nad pel ak ke midil, gos nad nab ayañ mideb agil tikak. Takaw agak anib ak nim, chin Klays nop gos linigep takaw ak pel agñibun. <sup>9</sup> Pen takaw anib ak anigil mideb. Nad agyikil anib aginimin, Jisas ne Biawl mideb agenimin, pen God ne Jisas nop gek tepayan tikjakak agil, anib ak gos nad nab ayañ gos linigenimin, God nep tig asik dinigab. <sup>10</sup> Chin nopun, gos chin nab ayañ Klays nop gos linigon, God chinop gek binib suntep ne midobun. Pen Jisas ne Biawl mideb ak nop gos linopun agyikil agon, God chinop tig asik dup. <sup>11</sup> Buk Baybol ak tikil anib agak, Binib Klays nop gos linepal okok midupsek, kili nebeñ ma dinigabal agil tikak. <sup>12</sup> Niġim. God ne Juda binib kili pis olap midebal, binib Juda mel pis olap midebal agil gos ma nigup. Kili midupsek Biawl nokom mideb, kili midupsek nop suk agil agnepal okok, kilop ditep yibil gup. <sup>13</sup> Adek anib ak nep buk Baybol ak tikil agak, Binib Biawl nop suk agil agniginigel okok midupsek, ne kilop tig asik dinigab agil tikak.

<sup>14</sup> Anib ak binib kili Klays nop gos ma linepal ak, titay dil nop suk agil, chinop tig asik dinimin agniginigel? Pen ne gak takaw ak timud pak ma nepal ak, titay dil nop gos liniginigel? Pen bi olap takaw telep ak kilop ma agñub ak, titay dil takaw anib ak timud pak niginigel? <sup>15</sup> Pen bi takaw telep agñeb oġinap kilop ma agyokipal ak, titay dil

---

**10:9** Mat 10.32, Luk 12.8, Apo 8.37      **10:11** Ais 28.16, Jer 17.7, Lom 9.33      **10:12** Apo 10.36, 15.9, Lom 3.22, 3.29, Gal 3.28      **10:13** Jol 2.32, Apo 2.21, 9.14      **10:15** Ais 52.7, Nah 1.15

takaw teplep ak agñinigel? Takaw anib ak tek buk Baybol ak tikil agak,  
 Bi takaw teplep dad apebal okok, tep yibil dad apebal agil tikak.

*Yislel binib okok, kili takaw teplep ak ma dipal*

<sup>16</sup> Binib oginap pen takaw teplep ak ma nig dilak. Anib ak tek Aysaya ne anib agak, Biawl, takaw tep agñobun ak, an niñid gos linigilak agak?

<sup>17</sup> Anib ak chin nopun, binib takaw teplep ak timud pak nig midil nep, Klays nop gos linepal. Pen Klays takaw teplep ak agñel nep, binib timud pak nig midebal.

<sup>18</sup> Yad pen nibop agnigebin, kili takaw teplep anib ak nigilak akan? Yaw, kili nigilak agebin. Buk Baybol ak tikil anib agak,  
 Bi takaw agñeb okok, takaw kili anib ak lum awl ak midupsek amil, man okok kid kid midupsek yibil amek nigilak agil tikak.

<sup>19</sup> Pen nibop tepayan agnigebin, Yislel binib takaw anib ak nigtep gilak akan? Yaw, kili nigilak agebin. Ned Mosis ne takaw God agak ak tikil agak,

Yad binib wakay olap ke nib, yib ma midek yokip tek midebal okok kilop dinigayn agil tikak. Kilop den, nibop chibol timel gek milik niginigabim agil tikak. Binib anib okok sawl sek midil gos nigtep ma gipal ak kilop dinigayn agil tikak. Kilop den, nibop gek milik yownigab agil tikak.

---

**10:16** Ais 53.1, Jon 12.38, Hib 4.2    **10:17** Jon 17.20    **10:18** Sng 19.4, Mat 24.14, Mak 16.15, Kol 1.6, 1.23    **10:19** Lo 32.21, Lom 11.11, Tat 3.3

20 Pen Aysaya abe takaw God agak ak tikil kiles gil agak,

Binib yip ma piyowilak okok, yip nigilak agil tikak.  
Binib yip akal ma agnigilak okok, yad ke misen len yip nigilak agil tikak.

21 Pen Yislel binib kilop gos ninid, takaw olap God agak ak tikil agak,

Yad minek minek kilop dinig, kili adikid yip yil apel kilop ditep gil ayip yenigayn agil tikak. Kili pen takaw yad ak ma nig dil, yip kud nil takaw tibilikilak agil tikak.

## 11

### *God ne Yislel binib oginap kilop mapen nigup*

1 Anib ak yad nibop agnigebin, God ne binib ne kilop kud nil pisnep keligak akan? Mel yibil, anib ma yibil gak. Yad abe Yislel bi olap, Eblaham nised ne olap, Bejamin jij ak midebin. 2 God ne bilel binib gos ninid, gos ne ke nep kidek ninid kilop aglak okok, kilop kud nil pisnep ma keligak. Yilayja nop kesim buk Baybol tikilak ak, kesim anib ak ma nepim akan? Yilayja ne Yislel binib kilop milik ninid, God nop kiles gil agninid agak, 3 Biawl, kili bi God gos nek agneb okok kilop paklel kumilak agak. Abañ tap nep pak sibogep adek ak, pak pal ak yokilak agak. Yad nokom bi nad midebin ak nim, yip abe paklun agil gos nepal agak. 4 Agek, God nop pen agak, Biyad kunjay yibil nep, 7,000 midebal agak. Bi anib okok, kili tap

---

**10:20** Ais 65.1, Lom 9.30    **10:21** Ais 65.2    **11:1** 1 Sml 12.22,  
Sng 94.14, Jer 31.37, 2 Ko 11.22, Plp 3.5    **11:2** Sng 94.14, Lom 8.29  
**11:3** 1 Kin 19.10, 19.14    **11:4** 1 Kin 19.18

yepis agnepal Bal ak nop, kigom yimil ma agnepal agak. <sup>5</sup> Anib ak nep miñil ñin awl abe, binib yep kab olap nep, God kilop yimug niñid gitep gil, binib yad yenigel agil kilop aglup. <sup>6</sup> Yaw, God ne kilop yimug niñid gitep gil, kilop anigil aglup. Kili wog gitep gipal agil kilop ma aglup. God binib wog gipal ak niñid kilop aglek nim, kili aginigel, God chinop yimug niñid gitep ma gup aginigel tek lup. Ne wog chin nep niñid, chinop aglup aginigel. Pen anigil ma mideb. God ne binib okok kilop yimug niñid gitep gil, aglup.

<sup>7</sup> Anib ak titay dak? Yislel binib God ayip jimñil yonigabun agil, tiñil li gipal ak pen, anib ak ma dipal. Binib ne yad yenigel agil kilop aglak anep, kili God ayip jimñil midebal. Pen binib oginap, ne gos kilop gek chibol kilop ak ma asikak. <sup>8</sup> Buk Baybol ak anib ak tek tikil agilak,

God kilop gek, wisin kin abal tek lak agil tikilak.  
Widin kili tap okok niginigel tek ma lil,  
timud kili tap okok niginigel tek ma lil gipal  
agil tikilak. Adek anib anep mid dad amil  
miñil midebal agil tikilak.

<sup>9</sup> Pen Depid ne takaw olap buk Baybol miñan ayan tikil agak,

God, gos yad anigil mideb agil tikak. Kili tap awl ñineb ak apnan gel, tap ñineb anib ak ñibel kilop gek timel ginigel agil tikak. Anib ak gon tek kilop dek, tap day kili gipal ak pen gek apyap pakinigel agil tikak. <sup>10</sup> Pen

**11:5** Lom 9.27    **11:6** Lom 4.4-5, Gal 3.18    **11:7** Lom 9.31, 10.3

**11:8** Lo 29.4, Ais 29.10, Jer 5.21, Jon 12.40, Apo 28.26-27    **11:9**  
Sng 35.8    **11:9** Sng 69.22-23



nad abe ge, wıdın kılı ak koy gek, tap okok niğinigel tek ma lup agil tikak. Minek minek kilop yul ñek miñel anıb ak del, kud bak kılı okok timel gek, kiles gıl ma ajinıgabal agil tikak.

### *God ne binıb Juda mel okok kilop dup*

<sup>11</sup> Anıb ak yad nıbop agınegebin, Yislel binıb kılı apyap pakılak ak, pisnep apyap pakıl kul gıinigel akan? Mel yıbil, anıb ma gılak. Kılı pen tap timel gılak tek, God ne binıb Juda mel okok kilop tig asik dak. Ne yad binıb anıb okok tig asik den nım, Yislel binıb kılı ne chinop tek anıgil ma tig asik dup agil, yıp yıl ownıgel agil anıgak. <sup>12</sup> Yislel binıb kılı tap timel gel, God ne binıb lum awl midupsek midebal okok kilop ditep gup. Pen Yislel binıb kılı God gos ne kelıgil apyap pakel, God ne binıb Juda mel okok kilop ditep gup. Anıb ak chin nopun, Yislel binıb kılı God yıl adıkid apenıgabal, God binıb okok midupsek kilop ditep yıbil gıinıgab.

<sup>13</sup> Pen takaw agınegebin ak, nıbop binıb Juda mel okok agınegebin. Jisas yıp agek, bi takaw nop dad ameb ak midebin. Pen yıp agyokıl, binıb Juda mel okok kilop takaw yad ak agınegebin agek nım, nıbop Juda mel okok agınegebin, yıp tep gup. <sup>14</sup> Pen nıbop takaw agınegebin wog ak anıgen, binıb yad okok kılı niñid, God ne chinop tek anıgil ma tig asik dup agil gos niğinigel. Anıgek, God kilop ogınap tig asik donımun. <sup>15</sup> God Yislel binıb kilop kelıgil nım, binıb lum awl midupsek midebal okok kilop dil ne ayıp jimñıl lup. Anıb ak chin nopun,

God ne Yislel binib kilop tepayan denigab, kili binib kumil tepayan tikjakipal tek tikjakinigabal.

<sup>16</sup> Binib kili bilet ginig, tap plaua ned dup won ak dil, bilet agilil dil God nop sibog ñibal. Anigel anib ak tek, bilet kidek ñiniginigabal ak, God tap ne mideb tek mideb. Pen mab kidil ak God tap ne nep mideb ak, ñin kid abe God tap ne mideb. <sup>17</sup> Yislel binib kili mab olip teplep ñin kid oginap tek midebal. Ñin kid anib okok, God kilop oginap tipag lil diyokup. Pen nibi binib Juda mel okok, mab olip be okok ñin kid oginap tek midebim. God nibop tipag lil dad amil, mab olip teplep day ak binig ñil, nag lil tibikup. Anigek, nibi mab anib ak ñin kid tep diyokup okok, tep kili ak dipim. Dil, miñil mab olip teplep mok ne teplep ak, mab ñin kid oginap dup tek nibi abe dil, anigil midtep gipim. <sup>18</sup> Anib ak nim, nibi mab olap be okok ñin kid okok, chin teplep midon, mab ñin kid nedil okok tap yokip mideb agil gos ma niginimib. Nibi gos anib agil nigenigabim, ak pen nibi nigtep ginimib. Nibi mab ñin kid okok, mab mok ak kidil ak nop ma ñibim. Mel. Mab kidil ak nibop mok ñub. <sup>19</sup> Nibi pen anigil aginigebim, God chinop dad amil, mab olip teplep day ak binig ñil, nag lil tibikinig aginigebim. Chinop nag lil tibikinig, mab olip ñin kid nedil okok tipag lil diyokup aginigebim. <sup>20</sup> Nibi ninid agebim, kili God nop gos ma linigilak anib ak tek, kilop tipag lil diyokak. Pen nibi God nop gos linepim anib ak tek, kiles gil jak midtep gipim. Nibi pen pilikil, yib nibi ke dad aplanimib tek lup ak nigtep ginimib.

---

**11:16** Nam 15.17-21, Ese 44.30    **11:17** Jer 11.16, Apo 2.39, Epe 2.11-19    **11:18** Jon 4.22, 1 Ko 10.12    **11:20** Ais 66.2, Lom 12.16, Plp 2.12

21 Mel ak, anib ak gos niginimib. Ned God mab olip ñin kid nedil okok keligek mid timel gipal. Anib ak tek nep, nibop abe ginimun tek linigab.

22 Anib ak, nibi God ne bi yimug nigep abe, bi milik ninid yul awl ñeb abe mideb agil, anib ak gos nigtep ginimib. Binib nop keligil kidek ma gipal okok, kilop milik ninid yul awl ñub. Nibi pen God gos ne kidek gil ditep genimib, nibop yimug nigup. Pen nibi anigil ma genimib, nibop abe tipag lil diyokinigab. 23 Pen mab olip ñin kid nedil God kilop tipag lil diyokup okok, kili adikid God nop gos linigenigabal, God kilop dad amil, mab olip teplep day ak binig ñil, nag lil tibikinigab. Yaw, God ne kilop dil binig ñil, nag lil tibikinimun tek lup.

24 Nib nepim, nibi ned mab olip be okok ñin kid oginap tek yebek okok, God nibop dad amil, mab olip teplep day ak binig ñil, nag lil tibikup. Pen mab olip teplep anib ak, mab nibi ke mel. Anib ak ninid yibil apun. Mab olip ñin kid nedil okok, God kilop tepayan dad amil, mab olip teplep day ak binig ñil, nag lil tibikinimun tek linigab. God ne koslam gep tek mel, ginimun tek lup.

*God ne binib okok midupsek yimug ninid gitep ginim agil gos nigup*

25 Mam ay sikop, yad nibop takaw we gil yoligup anib ak nigtep ginimib agil gos nepin. Nibi chin bi gos nigep midobun agil gos niginimib tek lup ak nim, takaw we gil yoligup anib ak nibop agen, chin bi gos nigep gos ak ma niginimib. Takaw we gil yoligup anib ak anigil mideb. Yislel binib chibol

kilop ak ma asikak ak pen, pel anib ma ginigab. Kili anigil mid dad amil, God ne binib Juda mel okok kilop dinig nig lak okok midupsek dinigab nin ak. <sup>26</sup> Anigek, kidek Yisiel binib kilop midupsek tig asik dinigab. Takaw anib ak tek buk Baybol ak tikil agak,

Bi kasin gep ak, ne taun Sayon nib ak ownigab agil tikak. Ne Jekop\* binib ne okok kilop gek, kili God nop kud nil ne gup tek kidek ma gipal ak, tap timel anib okok keliginigabal agil tikak. <sup>27</sup> Pen yad kilop takaw ag adek nokom anib ak lil, won anib ak nep tap si tap timel gipal ak tig walig giyokinigayn agil tikak.

<sup>28</sup> Yisiel binib kili takaw teplep ak yilik ninid keligilak, anib ak tek kili binib God ayip penpen gep ne okok tek midebal. Pen anigek, nibi binib Juda mel okok midtep gebim. God pen bilel kili binib yad yenigel agil kilop aglek, kili binib mapen ne midebal. Ne based kili gos nigilig midil anigup. <sup>29</sup> God ne binib oginap kilop suk agilig aglil, kilop tap teplep nub. Binib kilop anigak okok, kidek gos ne won ak tig adikil ke ma gil, kilop keliginimun tek ma linigab. Mel. <sup>30</sup> Ned nibi binib Juda mel okok God takaw ak tibilikipek ak pen, miñil Yisiel binib kili takaw nop ak tibilikipal. Anigel, God nibop mapen ninid ditep gup. <sup>31</sup> Anib ak nep Yisiel binib kili miñil God takaw ak tibilikipal ak nim, God nibop mapen ninid ditep gup tek, kilop

---

**11:26** Sng 14.7, Ais 59.20, Mat 23.39 \* **11:26** Bi Jekop, yib ne olap Yisiel ageligipal. Ne Yisiel binib based kili yoligup. Anib ak Yisiel binib yib kili abe apal, Jekop binib ne apal. **11:27** Jer 31.33-34, Hib 8.8, 10.16 **11:30** Epe 2.2, Kol 3.7

mapen niñid ditep ginigab. <sup>32</sup> God ne binib okok midupsek kilop mapen niñid ditep ginim agil gos nigup. Anib ak tek kili pel God takaw ak tibilikipal ak, God kili gilak anib okok niñid kilop gek, binib nag lep tek midebal. Nag lep tek midel, kilop mapen niñid ditep ginimun tek linigab.

### *God yib nop ak dad aplanigun*

<sup>33</sup> Ey, God tap tep ne ak, tap kunay yibil teplep yibil mideb. Ne gos tipagil yibil niñid, tap okok midupsek gos nigtep yibil gup. Gos ne ak yi okyan midil, ñig solwala muk okyan tek mideb. Chin bi okok, gos ne tig asikep jij ak piyowil nigtep ginigun tek ma yibil lup. Ne anib okok midupsek gup ak, chin ne taynen anigup agil, nigtep ginigun tek ma yibil lup. <sup>34</sup> Buk Baybol ak tikil anib agilak,

Binib an tek Biawl gos timud ne ak anigil mideb agup agil tikilak? Akan, binib an tek gos timud ak God nop ñub agil tikilak?

<sup>35</sup> Akan, binib an tek God nop tap konim yisik lek, God pen yisik lonimun agil tikilak? Binib olap God nop aniginimun tek ma yibil lup agil tikilak.

<sup>36</sup> Chin nopun, God ne ke tap okok midupsek gilak. Ne ke tap okok midupsek jij ak mideb. Tap okok midupsek ñin adek ne anep mideb. Yib nop ak pel pelnep dad aplanigun. Yaw.

---

**11:32** Lom 3.9, Gal 3.22, 1 Ti 2.4    **11:33** Jop 11.7, Sng 36.6, 92.5, Ais 55.8-9    **11:34** Jop 15.8, 36.22, Ais 40.13, 1 Ko 2.16    **11:35** Jop 35.7, 41.11    **11:36** 1 Ko 8.6, Gal 1.5, 2 Ti 4.18, Hib 13.21, 2 Pi 3.18

## 12

*Mubwak gos timud chin ak, God nop tap sibog ñeb tek ñinigun*

<sup>1</sup> Anib ak mam ay sikop, yad God chinop mapen nigup agil, nibop kiles gil agniñid anib agebin. Mubwak gos timud nibi ak dil, God nop pel tap sibog ñeb tek ñinimib. Nibi God yil midil ne agak tek nep kidek gil, tap anib anib gon nop tep gup agil ginimib. Pelpel anigipim ak, God nop kigom yimil niñid yibil agnepim. <sup>2</sup> Binib lum awl pel gipal tek ma ginimib. Nibi pen God yil midem, nibop gos kideyil ñakniñ, binib gos ke kideyil nib tek linimib. Nibop gos ñil, ke kideyil nib tek lek gem amek nim, God gos ne ke nigup ak niginigabim. Gos ne ke nigup ak midupsek, midtep ginigab adek ak sek, nop tep ginigab adek ak sek, yipid gil yibil ginigab adek ak sek, gos ne ke nigup ak midupsek nigtep ginigabim.

*God chinop kiles teplep keke ñek, wog ne gitep ginigun*

<sup>3</sup> God ne yip yimug niñid gitep gek, yad nibop keke midupsek anigil agebin. Nibi chin yib awl dil, yib chin adek alan yek binib oginap yib kili ayan middeb agil ma niginimib. Pen gos nigtep gil, God nibop gek nop gos linepim ak niginimib. Niñid, tap nibi ke gipim ak sek gos nepim ak sek tig asikinimib. <sup>4</sup> Chin nopun, chin keke mubwak nokom olap, mubwak ak ñin kid tob kid day keke

---

**12:1** Sng 50.13-14, Jon 4.24, Lom 6.11-13, 1 Ko 6.13, 6.20, Hib 10.20, 1 Pi 2.5    **12:2** Epe 1.18, 4.23, 5.10, 5.17, Kol 1.21, 1 Pi 1.14, 1 Jo 2.15

**12:3** 1 Ko 3.10, 12.7, 12.11, Gal 2.9, Epe 4.7    **12:4** Epe 4.16

mideb. Pen day keke mideb tek, wog keke yibil gipal. <sup>5</sup> Chin Klays yil midobun okok abe, anib ak tek midobun. Binib keke kunay midobun ak pen, Klays yil midil mubwak nokom midobun. Pen nin kid tob kid day keke mubwak nokom mideb tek, chin ke penpen don mubwak nokom midobun. <sup>6</sup> God chinop yimug ninid gitep gil, kiles teplep keke nub. God binib olap nop kiles nek, bi God gos nek agneb tek lup. Lek, ne Klays nop gos linid, bi God gos nek agneb takaw ak agninimun. <sup>7</sup> Binib olap nop kiles nek, tap malik gil gineb tek lek, malik gil ginimun. Binib olap nop kiles nek, binib kilop God takaw ak agnitep gep tek lek, takaw agnitep ginimun. <sup>8</sup> Binib olap nop kiles nek, takaw tep ak agnek binib gos sek midep tek lup. Lek, binib kilop gos sek yenigel agil takaw tep ak agninimun. Binib olap nop kiles nek, binib kilop tap neb tek lek, tap kunay yibil monmon ninimun. Binib olap nop kiles nek, wog ak binib kilop kod midep tek lup. Lek, nigtep gil wog anib ak kod midtep ginimun. Binib olap nop kiles nek, binib kilop mapen ninid ditep gep tek lek, minmin gilig kilop mapen ninid ditep ginimun.

*Chin binib oginap kilop gitep ginigun*

<sup>9</sup> Binib okok kilop mapen lipim ak, yepis ma ginimib. Tap timel gep ak kud nil pisnep keligil, tap tep gep ak chig tep ginimib. <sup>10</sup> Mam ay Klays yil midebal okok kili mam ay mapen yad midebal agil,

---

**12:4** 1 Ko 12.12    **12:5** 1 Ko 12.27, Epe 4.25    **12:6** 1 Ko 12.28, 13.2, 1 Pi 4.10-11    **12:6** 1 Ko 12.4-11    **12:7** Apo 13.1, Gal 6.6, 1 Ti 5.17    **12:8** Apo 15.32, 20.28, 2 Ko 9.7, 1 Pi 5.2    **12:9** Sng 34.14, Amo 5.15, 1 Ti 1.5, 1 Pi 1.22    **12:10** Plp 2.3, Hib 13.1, 1 Pi 1.22, 2 Pi 1.7

ayip penpen mapen linimib. Nibi pelpel mam ay Klays yil midebal okok yib kilop ak dad aplanimib. <sup>11</sup> Yilik yilik sek wog ma ginimib. Tep gakniŋ, Biawl ak nop wog gobun agil, gitep ginimib. <sup>12</sup> Gos sek kod midilig, miñmiñ ginimib. Nibop gi timel gel miñel dipim ak, miñel okok dil kiles gil jak yenimib. Minek minek God ayip aginimib. <sup>13</sup> Binib Klays yil midel tap ma mideb okok, tap nibi oginap kilop ñil giñinimib. Binib okok nib okok nib ownigel ak, kilop ag dap kal miŋan nibi linimib.

<sup>14</sup> Binib nibop gi timel gipal ak, God nop agniŋem, kilop gitep ginimuŋ. Yaw, God nop agniŋem, kilop gitep ginimuŋ. Kilop pen milik niñid, God kilop gi timel ginimuŋ agil, nop anib ak ma agniŋinimib. <sup>15</sup> Binib miñmiñ gil midebal ak, kili ayip miñmiñ gil yenimib. Binib chiŋ gakniŋ chaŋ lil midebal ak, kili ayip chiŋ gakniŋ chaŋ lil yenimib. <sup>16</sup> Nibi gos pal nokom olap niñid, binbi okok midupsek ginimib. Chin binib yib sek midobun agil ma niñid, yib nibi ma dad aplanimib. Binib yib ma mideb okok ayip wilikil yenimib. Chin nep bi gos nigep nigtep gipun agil ma niginimib.

<sup>17</sup> Binib nibop milik niñid gi timel gipal ak, pen milik niñid gi timel ma ginimib. Binib okok midupsek chin gipun ak nigel kilop tep ginigab agil, adek anib ak nep ginimib. <sup>18</sup> Nibi binib

---

**12:11** Apo 18.25, Lep 3.15    **12:12** Apo 2.42, Plp 3.1, 1 Te 5.16-17, Hib 3.6, 10.36, Jem 1.4    **12:13** 1 Ko 16.1, 2 Ko 9.1, 9.12, Hib 13.2, 13.16, 1 Pi 4.9    **12:14** Mat 5.44, Luk 6.28, Apo 7.60, 1 Ko 4.12, 1 Pi 3.9    **12:15** Sng 35.13    **12:16** Sng 131.1-2, Snd 3.7, Ais 5.21, Jer 45.5, Lom 11.20, 15.5    **12:17** Mat 5.39, Lom 14.16, 2 Ko 8.21, 1 Te 5.15    **12:18** Mak 9.50, Lom 14.19, Hib 12.14



ayip penpen ginigun agil gos ak ma niginimib, kimigel jimñil yonigun agil gos anep niginimib. Binib oginap kili kimigel jimñil yonigun agil gos ma nepal ak pen, nibi kiles gil kimigel jimñil yenimib.

19 Binib mapen yad okok, binib nibop gi timel gipal ak, kilop pen gi timel ginigun agil gos ak ma niginimib. Ak God gos ne. Kilop pen gi timel gin agil, ke nigup tek ginigab. Nib nepim, Biawl ak ne takaw agak anib ak, buk Baybol ak tikil agak, Binib gi timel gipal okok, yad nokom kilop pen gi timel gil yipil awl ñinigayn agil tikak. Wog anib ak yad pel anigipin agil tikak.

20 Nibi pen buk Baybol agak ak kidek ginimib. Tikil anib agak,

Nad bi nep milik nigup ak amil, nop yuwan gonimun tap midup ñinimin agil tikak. Kunam milep gonimun ñig ak ñinimin agil tikak. Anige niñid, nep taynen gi timel gipin agil, gos kunay nigeek nop neben dinigab agil tikak.

21 Nibi keligem, tap timel okok nibop ma kodinimun. Nibi pen gitep gem, gitep gipim anib ak tap timel ak taw jisipuk gil yu ginimun.

## 13

### *Gapman biawl okok aginigel tek niginigun*

1 Binib okok midupsek, kili gapman biawl okok aginigel tek niginigel. Chin nopun, bi gapman okok kili ke apil ma midebal. Gapman wog kili ak, God

---

12:19 Lo 32.35, Snd 24.29, Mat 5.39, Lom 12.17, 13.4, 1 Te 1.6-7, Hib 10.30 12:20 Kis 23.4-5, Snd 25.21-22, Mat 5.44 13:1 Snd 8.15, Dan 2.21, Jon 19.11, Tat 3.1, 1 Pi 2.13

ne ke gos niñid wog kilop ak lak. Pen gapman biawl midupsek midebal okok, God aglek biawl midebal. <sup>2</sup> Anib ak tek, binib kili gapman takaw ak ma niñid kilop agjupal okok, kili God gapman biawl okok kilop aglak takaw ak abe ma niñid nop agjupal. Binib anigipal okok, kili takaw mideb, yul awl dinigabal. <sup>3</sup> Binib gitep gipal okok, kili gapman biawl okok kilop ma pilikipal. Binib gi timel gipal okok pen, kili gapman biawl okok kilop pilikipal. Anib ak tek, gapman biawl okok kilop ma pilikinigun agil, gitep gem nim, yib nibop ak dad aplanigabal. <sup>4</sup> Gapman biawl okok, kili God bi wog giñeb ne okok midil, nibop gitep gel midtep gipim. Nibi pen gi timel gil nim, gapman biawl okok kilop pilikinimib. Nib nepim, gapman biawl okok kili kiles midil, binib timel okok kilop gi timel gipal. Wog anib ak yokip ma midebal, kiles gil gipal. Kili God bi wog giñeb ne okok midil, binib gi timel gipal okok kilop yul awl ñinigabal. <sup>5</sup> Anib ak tek, nibi gapman biawl muk okok midil, aginigel tek niginimib. Nibi pen kilop muk okok ma midon nim, chinop gi timel ginigel agil, gos anib ak nep niñid ma pilikinimib. Mel. God ne nibi gitep yibil ginimib agil gos nigeek, nibi gos anib ak abe niñid, gapman biawl muk okok midil, aginigel tek niginimib.

<sup>6</sup> Adek anib ak nep nim, takis abe ñibim. Gapman biawl okok kili God bi wog giñeb ne okok midil, God kilop wog aglak ak pel kiles gil gilig midebal. Kili anigel, kilop takis ñibim. <sup>7</sup> Gapman

---

**13:3** 1 Pi 2.13-14, 3.13    **13:4** Lom 12.19, 1 Te 4.6    **13:5** Sav 8.2, 1 Pi 2.19    **13:6** Mat 22.21, Mak 12.17, Luk 20.25

tap titay chinop ñinimib apal okok, agel yaw agil kilop ñinimib. Nibi takis keke ñinimib agel, bi takis dep okok kilop takis keke ñinimib. Biawl jel gup kilop pilikinimib apal okok, kilop pilikinimib. Biawl yib awl midel yib kilop dad aplanimib apal okok, yib kilop ak dad aplanimib.

### *Penpen mapen linimib*

<sup>8</sup> Tap day nibi oginap yonimun, pisnep day pag junimib. Pen tap day nibi tek olap yonimun, penpen mapen lep adek ak. Bi binib okok kilop mapen lup ak, ne takaw Mosis ñu kil tikak ak midupsek gup. <sup>9</sup> Chin nopun, takaw Mosis ñu kil tikak ak anigil agak, Bin si bi si ma ginimin, chip ma ñaginimin, tap si ma dinimin, binib oginap tap kilop okok yip tek yobikop agil ma niginimin agak. Pen takaw Mosis ñu kil tikak anib ak sek, takaw kiles adek agilak ak sek, ñu kil tikilak anib okok midupsek, jij ne ak takaw nokom olap mideb. Takaw anib ak anigil agak, Binib oginap kilop, nad ke mapen lipan tek ginimin agak. <sup>10</sup> Bi binib oginap kilop mapen lup ak, ne kilop gi timel ma gup. Anib ak bi binib oginap kilop mapen lup ak, ne takaw Mosis ñu kil tikak ak midupsek gup.

### *Chin binib milek adek ajonigun*

<sup>11</sup> Anib ak tek nibi aniginimib apin ak kidek ginimib. Ned chin Klays nop gos liniginok won ak, God chinop tig asik dinigab ñin ak wulep ma yek, pal okok yek. Miñil pen nib nepim, God chinop tig asik dinigab ñin ak wulep mideb. Anib ak nibi

---

**13:8** Mat 22.39-40, Gal 5.14, Kol 3.14, Jem 2.8    **13:9** Kis 20.13-17, Wkp 19.18, Lo 5.17-21    **13:10** Mat 22.40, Lom 13.8, 1 Ko 13.4-7

**13:11** 1 Ko 15.34, Epe 5.14, 1 Te 5.5-7

wisin kin mīdebim okok tikjakinimib. <sup>12</sup> Sib gup bad ak kul ginigeb, man tikinigeb. Anib ak chin tap kisilim owup bad ak midupsek keligil, tap milek sek ak dinigun. Pen tap milek sek anib ak, bi chim kadin gep tap okok mīdeb tek mīdeb. Anib ak tap anib ak chech tek dil lil yonigun. <sup>13</sup> Milek tep adek ak midil, man tikek widin ninid ajipal tek ajonigun. Chin pen tap nigep ma nigep gil, ñig kiles ñibil sawl lil, bin si bi si gil, chibol chinop tikjakil tap timel gach ak gil, milik yapek penpen agilig midil, binib kilop nigon chibol chinop ak timel gil, adek anib okok ma ginigun. Mel yibil. <sup>14</sup> Nibi pen Jisas Klays nop dil, nop bi chim kadin gep tap okok tek linimib. Nibi Jisas Klays nop lil, mubwak gos nab nedil ayanj gos ak ninid kidek ma ginimib.

## 14

### *Mam ay penpen ma tig asikinimib*

<sup>1</sup> Binib Klays yil midil nop gos kiles ma nepal okok, kilop binib chin agil dinimib. Pen gos kilop tig asikinigun agil, kili ayip takaw penpen ma aginimib. <sup>2</sup> Binib Klays nop gos nepal oginap midil, tap ñineb okok monmon ñibal. Binib Klays nop gos kiles ma nepal okok pen, kili chag tap yipil okok ma ñibal. <sup>3</sup> Binib tap ñineb monmon ñibal okok, kili binib chag tap yipil ma ñibal okok kilop yilik ninid kud ma ñinigel. Pen binib chag tap yipil ma ñibal okok, kili binib tap monmon ñibal okok

---

**13:12** Epe 5.11, 6.11-13, Kol 3.8, 1 Te 5.5-6, 1 Jo 2.8    **13:13** Luk 21.34, Epe 5.18, Plp 4.8, 1 Te 4.12, Jem 3.14, 1 Pi 2.12, 4.3    **13:14** Gal 3.27, 5.16, Kol 3.10, 1 Pi 2.11    **14:1** Lom 15.1, 15.7, 1 Ko 8.9-11, 9.22    **14:1** Kol 2.16    **14:2** Stt 1.29, 9.3, Lom 14.14, 1 Ko 10.25, 1 Ti 4.4    **14:3** Kol 2.16

kilop tig asikil, tap timel gebal agil ma niginigel. Mel. God binib tap monmon ñibal okok kilop dek nop yil midebal. <sup>4</sup> Nibi bi olap binib wog giñeb ne okok, kili tap timel gebal agil ma yibil aginimib. Kili wog kili ak kiles timel gil ginigabal akan, apyap pakenigabal ak, biawl kili ak tap ne. Biawl ak pen kilop kiles ñinimun tek lup. Anib ak tek kilop kod midakniñ, kiles ne ak dil, kiles gil jak tep gil yenigabal.

<sup>5</sup> Binib oginap apal, Ñin olap ñin awl ak, ñin oginap ñin awl mel apal. Pen binib oginap apal, Minek minek ñin nokom olap tek mideb apal. Binib midupsek pen, kili nokom nokom midebal tek, gos tep kilop owup adek ak niñid gel amnimun. <sup>6</sup> Binib kili ñin olap ñin awl ak mideb agil, kili Biawl ak nop gos niñid anigipal. Pen binib tap niñeb monmon ñibal okok, kili Biawl ak nop gos niñid, God nop tep agil ñibal. Pen binib chag tap yipil ma ñibal okok, kili Biawl ak nop gos niñid, kas tap okok dil God nop tep agil ñibal.

<sup>7</sup> Chin nopun, chin bi olap ne nokom koñim yonimun tek ma lek, gos yad ke niñid koñim midebin agil ma agep. Pen ne nokom kumnimun tek ma lek, gos yad ke niñid kumnigayn agil ma agep. <sup>8</sup> Chin koñim midil nim, Biawl ak gos niñid ne ayip midobun. Chin kumonigabun, Biawl ak gos niñid ne ayip midil kumnigabun. Anib ak koñim yonigabun akan kumnigabun ak, Biawl ne yil nep yonigabun. <sup>9</sup> Takaw apin ak jij ak anigil

---

**14:4** Mat 7.1, Jem 4.11-12    **14:5** Gal 4.10    **14:6** 1 Ko 10.31,  
Gal 4.10, 1 Ti 4.3    **14:7** 1 Ko 6.19-20, Gal 2.20, 1 Te 5.10, 1 Pi 4.2  
**14:8** Luk 20.38, Gal 2.20, 1 Te 5.10    **14:9** Apo 10.36, 2 Ko 5.15

mideb. Klays kumil, tikjakil konim mideb. Anib ak tek ne binib konim midebal okok sek kumilak okok sek, kilop midupsek kod midil, Biawl kili ak mideb.

<sup>10</sup> Pen nibi oginap, taynen mam ay kilop tig asikil, tap timel gebal agil nepim? Nibi oginap, taynen mam ay kilop yilik ninid kud nibim? Nib nepim, chin midupsek am God widin midup adek ak amon, gipun okok bilokinigab. <sup>11</sup> Buk Baybol ak anigil tikil agak,

Biawl ak agup, Yad bi pel midep ak, anib ak tek yad ninid yibil agebin agup agil tikak. Binib okok midupsek yip yil apil kigom yimnigabal agup agil tikak. Kigom yimil, midupsek agyikil aginigabal, Nad God nokom nim mideban aginigabal agup agil tikak.

<sup>12</sup> Anib ak nim, chin midupsek midobun tek, God chinop nokom nokom agnigek, titay gipun okok agninigabun.

*Chin gon, mam oginap apyap pakil tap si tap timel ma ginigel*

<sup>13</sup> Anib ak nibi mam ay Klays yil midebal okok kilop tig asikil, tap timel gebal agil ma aginimib. Nibi pen anigil gos niginimib. Mam ay tap timel gil apyap pakinigel tek ma linimuj agil, adek ak nep gos ninid, anigem amnimuj. <sup>14</sup> Yad Biawl Jisas yil midebin tek, ne gos yip gek nigtep gipin. God ne binib tap olap asikep tek yenigel agil, gos anib ak ma nigup. Bi olap pen ne tap olap asikep tek

---

**14:10** Mat 25.31-32, Apo 10.42, 17.31, 2 Ko 5.10    **14:11** Ais 45.23, Plp 2.10-11    **14:12** Mat 12.36, Gal 6.5, 1 Pi 4.5    **14:13** 1 Ko 8.9, 8.13, 10.32    **14:14** Apo 10.15, Lom 14.2, 14.20, 1 Ko 8.7-8, 1 Ti 4.4, Tat 1.15

gonimur, bi anib ak ne tap anib ak asikinimur. <sup>15</sup> Anib ak nep nibi tap ññeb okok monmon ñibem, mam olap niñid, tap asikep ñibebim agil gos nigup ak, tap anigil ñibim ak nop gem midtep ma gup. Nibi anigil nim, mam nop mapen ma lipim. Klays nop nen kumak, anib ak tek nibi tap monmon ñibem ne apyap pakil kul ginimur tek lup ak ma ginimib. <sup>16</sup> Anib ak nibi tap tep olap ginigun agil ginimib tek lup ak pen, binib oginap nibop niñid, tap timel gebal gos niginigel tek lenigab, gos nepim anib ak keliginimib. <sup>17</sup> Nigim. God binib kilop dil kod mideb, takaw anib ak tap midup ñig ñiniginigabun akan ma ñiniginigabun takaw ak mel. Takaw God binib dil kilop kod mideb anib ak pen anigil mideb. God Kawnan ne ak binib ayip midakniñ, kili God agak tek kidek gil, kimigel midtep gil, miñmiñ gil gipal. <sup>18</sup> Binib Klays wog ne anigil gipal ak, God kilop nigeek nop tep gek, binib oginap kilop nigel binib tep midebal apal.

<sup>19</sup> Anib ak nim, chin kimigel jimñil midep ak pel kiles gil kidek ginigun. Pen abe chin pel kiles gil, penpen gitep gil gos sek midil kiles gil jak tep gil yonigun. <sup>20</sup> Pen nibi tap ññeb okok monmon ñiniginigun agil gos ak nep niñid, God wog ne ak gi timel ginigabim. Niñid apun, tap midup okok midupsek ññeb tek mideb. Nibi pen tap okok monmon ñibem, mam ay okok niñid, tap asikep ñibebim agil apyap pakil tap timel gel nim, nibi anib ak gi timel gipim. <sup>21</sup> Anib ak takaw yad

aginige bin ak, tep mideb. Nibi chag tap yipil okok ñibil, ñig wayn ñibil, tap olap ke ginigabim ak, anib ak mam ay okok kilop gek apyap pakinigel tek lenigab, anib ak keligil ma ginimib. <sup>22</sup> Nad tap anib okok gos tay nepan ak, gos nad nab ayan yek Bapi God ayip tap ñili ke. Bi olap, ne tap oginap tap tep niginimun gos ninid, gos ne nab ayan abe gos anib ak nep nigup ak, miñmiñ gilig yenigab. <sup>23</sup> Bi olap pen tap oginap gos pal lilig ñinimun ak, God nigek takaw miñel ak ne dinimun. Taynen? Klays nop gos linigilig ma ñinub, gos pal lilig ñinub ak nim, God nigek takaw miñel anib ak ne dinimun. Chin tap olap ginigabun ak pen, Klays nop gos linigilig ma gonigabun, anib ak tap si tap timel ginigabun.

## 15

*Chin Klays ne gos nigup tek ninid, ne gup tek ninid kidek ginigun*

<sup>1</sup> Pen chin Klays nop gos linid chig tep gil midobun okok, chin ke midtep ginigun agil ma ginigun. Chin pen binib Klays yil midil nop gos kiles ma nepal okok kilop giñil, miñel dipal okok ayip dinigun. <sup>2</sup> Chin binib anib okok kilop giñil, midtep ginigel agil gos ninid ginigun. Anigil gitep gon, kili gos sek midil kiles gil jak tep gil yenigel. <sup>3</sup> Chin nopun, Klays abe yad ke midtep ginim agil ma gak. Nop anigak ak, buk Baybol ak tikil agak, God, takaw nep agjulak ak, yip abe agjulak agil tikak. <sup>4</sup> Buk Baybol takaw bilel tikilak okok

---

**14:23** Tat 1.15    **15:1** Lom 14.1, Gal 6.1    **15:2** Lom 14.19, 1 Ko 9.19, 9.22, 10.24, 10.33, 13.5, Plp 2.4-5    **15:3** Sng 69.9, Mat 26.39, Jon 5.30, 6.38    **15:4** Lom 4.23-24, 1 Ko 9.9-10, 10.11, 2 Ti 3.16-17



midupsek, chinop agñinig tikilak. Takaw anib ak nigon chinop gek, kiles timel gil jak midil miñel okok dil, gos sek kod yonigun. <sup>5</sup> Pen God ne chinop gek, kiles timel gil jak midil miñel okok dil, gos sek midobun. Anib ak yad God nop agniñid apin, Nad ge, Lom binib kili Klays Jisas gak tek niñid kidek ginigun agil, gos nokom jimñil lil niginigel apin. <sup>6</sup> Kili gos adek nokom niñid, jimñil midil, nad God mideban ak yib nep ak dad aplanigel apin. God, nad Biawl chin Jisas Klays bapi ne mideban aginigel apin.

*Binib Juda mel okok, kili abe takaw teplep ak niñid dipal*

<sup>7</sup> Anib ak tek, nibi ke penpen dil ditep ginimib. Nibi binib kili God yib nop ak dad aplanigel agil, Klays nibop dak tek, nibi ke penpen dinimib. <sup>8</sup> Yad anib agebin, Klays ne Juda binib bi wog giñeb kili ak mideb. Kili God takaw niñid yibil mideb ak niginigel agil, ne anigak. Bi wog giñeb kili ak yek, anib ak tek God Juda nised yes okok, kilop ginigayn agil aglak tek nep, takaw anib ak midupsek ginigab. <sup>9</sup> Pen Klays ne abe anigil gos nigak, ne binib Juda mel okok kilop gek, God kilop mapen nigup ak niginigel. Niñid yib nop ak dad aplanigel. Klays ned God nop takaw agak tek, buk Baybol ak tikil anib agilak, Anib ak yad binib Juda mel nab okok midil, yib nep ak dad aplanigayn agil tikilak. Yib nep ak dad aplanilig kimep aginigayn agil tikilak.

---

**15:5** Lom 12.16, 1 Ko 1.10, 9.9-10, Plp 3.16      **15:6** Apo 4.24, 4.32

**15:7** Lom 5.2, 14.1-3      **15:8** Mat 15.24-25, Apo 3.25-26, 2 Ko 1.20

**15:9** 2 Sml 22.50, Sng 18.49, Jon 10.16, Apo 3.25, Lom 9.23, 11.30

10 Pen takaw olap tikil agak,  
Nibi binib Juda mel okok, God binib ne Juda ayip  
miñmiñ yibil ginimib agil tikak.

11 Pen takaw olap abe tikil agak,  
Nibi binib Juda mel okok, Biawl ak yib nop ak  
dad aplanimib agil tikak. Binib man keke  
midupsek yib nop adek alañ dad aplanigel  
agil tikak.

12 Pen takaw olap, bi Aysaya ne tikil agak,  
Bi Jesi tikek tik dad amil tikinigabal olap ap-  
jakinigab agil tikak. Ne biawl midil, binib  
Juda mel okok kilop dil kod yenigab agil  
tikak. Ne chinop kod midtep ginigab agil,  
gos sek kod yenigabal agil tikak.

13 Pen God ne nibop gek, gos sek kod midebim.  
Anib ak yad God nop agniñid apin, Lom binib kili  
nep gos linepal, anib ak kilop ge, kili miñmiñ timel  
yibil gil, kimigel midtep yibil ginigel apin. Anige,  
Kawnan nad ak kilop kiles ñil kod midakniñ, gos  
sek kod midel amnimun apin.

*Pol wog ne ak gos nigek tep gup*

14 Pen mam ay yad okok, yad gos kiles gil niñid  
anib ak nepin, nibi pel tap gitep gipim. Gos tipagil  
ke yibil nepim ak nim, takaw tep ak penpen agni  
tep ginimib tek lup. 15 Pen takaw oginap nibop  
kiles gil tek agil tikebin ak, gos timud nibop ak pag  
yikan agil tikebin. Yad nepin, God yip yimug niñid  
gitep gil, wog ne ak yip aglak. 16 Yip aglek, yad  
Klays Jisas bi wog giñeb ne midil, binib Juda mel

---

**15:10** Lo 32.43    **15:11** Sng 117.1    **15:12** Ais 11.1, 11.10, Lep  
5.5, 22.16    **15:13** Lom 12.12, 14.17    **15:14** 1 Ko 8.1, 8.7, 8.10, 2  
Pi 1.12, 1 Jo 2.21    **15:16** Lom 1.5, 11.13, 12.3, Gal 2.7-9, Plp 2.17

okok kilop giñibin. Yad bi God nop sibogep okok tek wog ak gipin. Binib Juda mel okok kilop anigil giñen, God Kawnan ne ak gek, binib Juda mel okok gos kili ak God yil amnigel. God yil amek, binib sunṭep ne okok yenigel. Kili anigil midil, kilop tap pak sibog ñibin tek midel, God kilop nigeek nop tep ginimuṅ. Anib ak tek yad wog anib ak gil, God takaw teplep ak dad amil, binib Juda mel okok kilop agñibin.

<sup>17</sup> Anib ak yad Klays Jisas nop chigil midilig, God nop wog gipin ak, yip tep yibil gaksiṅ gipin. <sup>18-19</sup> Pen yad ke gipin ak ma aginigayn. Klays yip dil kod midaksiṅ, nop chigil midil kiles ne ak dipin ak aginigayn. Kiles ne ak dil, binib Juda mel okok kili God nop kidek ginigel agil, kilop takaw tep ak agñibin. Klays yip gek, takaw tep ne ak agil wog gitep gilig gipin. Yip gek kiles dil, tap mageptek keke oginap gipin. Gen, God Kawnan ne ak yip kod midaksiṅ wog kiles timel gil gipin. Anigen, binib Juda mel okok niṅid, God nop kidek gipal. Ak nim, yad Jelusalem tikjakil, Klays takaw teplep ne ak agñi tep gi dam dam man palawl man Yililikum amjakinek. Anigil ajilig, Klays takaw teplep ne ak midupsek agñijunek, binib man anib okok nigilak.

<sup>20</sup> Gos yad pel nepin ak, yad binib Klays nop ma nigilak man okok nep amil, takaw teplep ak agñin agil nepin. Pen takaw pal adan lil olap agebin, Bi oginap kal meg punilipal adek ak, kal gin agil, gos ak ma nepin agebin. <sup>21</sup> Yad pen buk Baybol ak agak tek ginim agil gos nepin. Tikil anib agak, Binib kilop takaw nop ak ma agñilak okok, kili

niginigabal agil tikak. Binib takaw nop ak ma nepal okok, kili gos nigtep ginigabal agil tikak.

*Pol taun Lom amil, man Spen abe amnin agil gos nigup*

<sup>22</sup> Anib ak tek ñin kunay yibil, nibop niginig amnin agil nepin ak pen, wog olap gos abe mideb, amnim tek ma lup. <sup>23</sup> Miñil pen man wakay oginap, wog yad ma mideb. Pen sub kunay yibil nibi yil amnin agil pel gos niñid, <sup>24</sup> man Spen amnigebin tek, gos yad anigil nepin. Yad man Spen amnig, kanib nab okok ajilig nibi Lom midebin apjakil tapin midenim. Nib ayip miden yip tep yibil gek, kidek man Spen amnig, yip tap oginap ñil, dam kanib nab ak yokem amnigayn agil gos nepin. <sup>25-26</sup> Miñil pen yad Jerusalem amebin. Klays binib ne Masedoniya plopens okok ayip Akaya plopens okok ayip, kili Jerusalem binib Klays yil midebal yingep tek okok kilop tap oginap ñinigun agil gos nigilak. Gos kili ke anib niñid, takaw olap aglil mani tap oginap ñel, miñil yad Jerusalem binib Klays yil midebal okok kilop dam ñinig amebin. <sup>27</sup> Gos kili ke niñid gilak anib ak tep gilak. Taynen? Tap kili Juda binib kilop pen oginap ñeb tek mideb. Juda binib kili God takaw ne ak dil, binib Juda mel okok kili God nop gos niginigel agil, kilop agñak. Anib ak tek, binib Juda mel okok tap day olap mideb. Kili mani tap kili mideb ak oginap dil, Juda binib okok kilop pen ñinigil. <sup>28</sup> Anib ak yad wog nim ak gijunim. Pen mani yip ñibal

---

**15:22** Lom 1.13    **15:24** 1 Ko 16.6    **15:25-26** Apo 19.21, 20.22, 24.17, 1 Ko 16.1-4, 2 Ko 8.1, 9.2, 9.12    **15:27** Lom 9.4, 11.17, 1 Ko 9.11, Gal 6.6

anib ak damil, Jerusalem binib Klays yil midebal okok mani midupsek kilop ñinigayn. Ñil, kidek man Spen amniḡ, kanib nab okok ajilig nibi Lom midebim ak apjakinigayn. <sup>29</sup> Pen yad nepin, ñin anib ak apil nibop nigen, Klays ayip yonigabun tek, ne chinop gitep yibil gek midtep yibil ginigabun.

<sup>30</sup> Pen mam ay sikop. Biawl chin Jisas Klays yil midon, God Kawnan ne ak chinop gek penpen mapen lipun. Anib ak tek, yad nibop kiles gil agniḡid anib agebin. Nibi yad ayip jimñil kiles gil God ayip agilig yonigun. God ayip agilig midem, yip kod yonimun. <sup>31</sup> Anigil God nop agniḡem, yad Judiya plopens amil Jerusalem amjaken, God yip kod midakniḡ Juda binib Klays nop gos ma nepal okok yip gi timel ma ginigel. Pen abe agniḡem, yad Jerusalem binib Klays yil midebal okok, kilop mani ñinigayn ak nigel, kilop tep yibil gonimun. <sup>32</sup> Anib ak God gos ne ke niḡid, yip amnonḡ agonimun, amil miñmiñ gilig nib midebim ak amjakinim. Amjakil, nib ayip aḡniḡ sikol won olap lil, kiles dinigayn. <sup>33</sup> Pen God bi kimigel midtep gep ak, ne nibop midupsek ayip yonimun. Yaw.

## 16

### *Pol ne binib kunay kilop ag dideg lup*

<sup>1</sup> Pen nibi takaw anib ak niḡinimib agil, yad agebin, Ay chin Pibi ne bin wog gitep gep ak mideb agebin. Klays binib ne pelpel apnan gipal, taun Senkliya midebal okok, Pibi kilop giñil, wog anib ak gitep gup. <sup>2</sup> Ne nibi midebim ak amjakek, nibi

Klays yil midebim okok tek, Biawl chin anop gos ninid Pibi nop dil ditep yibil ginimib. Pen tap oginap ma yek ninid monmon ninimib. Ne binib kunay kilop ditep gil, yip ditep gil gup anib ak tek, nibi nop ditep yibil ginimib.

<sup>3</sup> Nibi takaw yad ak dil, bi Akwila ayip bin ne Plisila ayip kilop ag dideg linimib. Kili ayip Klays Jisas wog ak jimnil ginok. <sup>4</sup> Bi oginap ned yip paklinig gelak, bi bel anib ak midil, kasin gilek. Pen chilop paklinigel agil gos ak ma ninid anigilek. Yad kilop gos tep yibil ninid tep apin ak pen, yad nokom mel. Binib Juda mel man ke okok midil, kili Klays binib ne pelpel apnan gipal okok, kili abe kilop bel gos tep yibil ninid tep apal.

<sup>5</sup> Pen nibi takaw yad ak dil, Klays binib ne kal kili bel pelpel apnan gipal okok kilop abe ag dideg linimib.

Takaw yad ak dil, bi mapen yad Epaynedus nop ag dideg linimib. Binib Esiya plopens nib ak Klays nop dilak okok, ne Klays nop ned dak.

<sup>6</sup> Takaw yad ak dil, bin Maliya nop ag dideg linimib. Ne nibop nen wog kiles gak.

<sup>7</sup> Takaw yad ak dil, bi Adlonikus ayip bin Juniyas kilop ag dideg linimib. Kili ominal binib yad midil, yad ayip nag lep ak yoligipun. Kili ominal bi Jisas takaw nop dad ameb okok tep yibil midebil. Kili Klays nop ned del, yad kidek dinek.

<sup>8</sup> Takaw yad ak dil, bi Abliyadus nop ag dideg linimib. Ne bi mapen yad, Biawl ak nop chig tep gup ak.

<sup>9</sup> Takaw yad ak dil, bi Ulbanus nop ag dideg linimib. Ne ayip Klays wog ak jimñil ginok. Pen bi mapen yad Stakis nop abe ag dideg linimib.

<sup>10</sup> Takaw yad ak dil, bi Apeles nop ag dideg linimib. Klays ne bi anib ak wog nop ak nigeek tep gup.

Takaw yad ak dil, bi Alistobulus binib kal ne midebal okok, kilop ag dideg linimib.

<sup>11</sup> Takaw yad ak dil, biyad Helodiyon nop ag dideg linimib.

Takaw yad ak dil, bi Nalsisus binib kal ne Klays yil midebal okok, kilop ag dideg linimib.

<sup>12</sup> Takaw yad ak dil, bin Tlipina ayip bin Tliposa ayip kilop ag dideg linimib. Bin ominal ak Biawl wog ne ak kiles gil gipil.

Takaw yad ak dil, bin teplep Pelsis nop ag dideg linimib. Ne Biawl wog ne ak kiles timel gil gak.

<sup>13</sup> Takaw yad ak dil, bi Lupus, Klays nop aglek bi tep yibil mideb ak, nop ag dideg linimib. Pen nonim ne ak ami yad tek lup ak, nop ag dideg linimib.

<sup>14</sup> Takaw yad ak dil, bi Asiglitus, Plegon, Hemes, Patlobas, Hemas, nimam kili ayip midebal okok, kilop midupsek ag dideg linimib.

<sup>15</sup> Takaw yad ak dil, bi Pilologus ayip bin Juliya ayip, bi Neleyus ayip ninay ayip, bi Olibas ayip binib midupsek Klays yil midil kili ayip midebal okok, kilop ag dideg linimib.

<sup>16</sup> Chin God binib ne pel gipun tek, nibi miñmiñ gilig penpen ñin pak sakinimib.

Binib man ke okok midil, Klays binib ne pelpel apnan gipal okok, kili nibop Lom binib okok ag dideg lebal.

*Bi okok kili binib oginap kilop gek asik keke lipal*

<sup>17</sup> Pen mam ay sikop, yad nibop kiles gil agniñid anib agebin, nigtep ginimib. Bi oginap takaw okok nib dad apil agñil, takaw tep ned nepek ak tibilikipal. Anigel, binib Klays yil midebal oginap niñid, apyap pakil takaw tep ak keligil, asik keke lipal. Anib ak nibop abe ginimunj tek lup ak, kilop kud ñil pal okok yenimib. <sup>18</sup> Bi anigipal okok, Biawl chin Klays nop wog ak ma gipal. Mubwak kili ke anep gos niñid gipal. Kili chin binib okok kilop takaw yepis agil, titay dil dinigun agil, takaw yidek apal. Takaw anib ak agel, binib gos kili pal awl ma mideb okok, kili kilop nepal. Niñid, takaw niñid yibil agebal agil, yepis adek apal ak kidek gipal. <sup>19</sup> Nibi God takaw ne ak ditep gil kidek gipim ak, binib okok midupsek nibi gipim ak nepal. Anib ak tek nibi anigipim ak gos nigen, yip tep yibil gup. Yad pen anigil gos nepin, nibi tap gitep gep ak nigtep yibil ginimib, tap gi timel gep ak olap gos ma niginimib. <sup>20</sup> Pen wulep mideb, God ne Satan nop dil tob muk nibop okok lek, taw tibikinigabim. God, ne bi kimigel midtep gep ak.

Biawl chin Jisas ne nibop yimug niñid gitep ginimunj.

*Takaw day won oginap*

---

**16:17** Mat 7.15, Apo 15.1, 15.5, 1 Ko 5.9-11, 2 Ti 3.5, Tat 3.10, 2 Jo 10 **16:18** Plp 3.19, Kol 2.4, 1 Ti 6.5, Tat 1.10, 2 Pi 2.3 **16:19** Mat 10.16, Lom 1.8, 1 Ko 14.20 **16:20** Stt 3.15, Lom 15.33, 1 Ko 16.23, 1 Te 5.28, Lep 22.21



21 Bi Timoti, ne ayip Klays wog ak jimñil gilok ak, nibop ag dideg leb. Biyad Lusiyus ak, Jeson ak, Sosipadel ak, kili abe nibop ag dideg lebal.

22 Yad bi Tedyus, Pol agek mij kil tikipin awl. Biawl ak nop niñid nibop ag dideg lebin.

23-24 Bi Gayus ne nibop ag dideg leb. Ne yip dam kal ne ak lil, kod midtep gup. Pen Klays binib ne awl ak pelpel apnan gipal okok, kili Gayus kal ne ak pelpel apnan gipal. Bi Elastus ayip mam chin Kuwatus ayip, kili ominal nibop ag dideg lebal. Bi Elastus, ne man awl anib ak mani ak kod mideb.

### *God yib nop ak dad aplanigun*

25-27 Pen God yib nop ak dad aplanigun. God ne kiles mideb ak, nibop ginimunj tek lek nop kiles gil gos liniginigabim. Takaw anib ak, yad Jisas Klays takaw telep agñinim agil, takaw anib ak agñibin. Takaw telep anib ak bilel nib we gil yoligup ak pen, miñil misen lup. God ne bi pel midep ak. Miñil ne kiles gil agek, bi God gos ñek agñeb okok kili takaw anib ak tikilak ak agel, misen lup. Pen takaw we gil yoligup anib ak misen lil, binib kilop gek, takaw ak nigtep gipal. God nokom kiles gil agil agek, binib man okok midupsek nop gos liniñid, agup tek kidek ginigel. God nim ak, ne nokom bi gos tipagil nigep ak. Jisas Klays chinop gek, God yib nop ak pel pelnep dad aplanigun. Yaw.

---

**16:21** Apo 16.1, 19.22, 20.4    **16:23-24** Apo 19.29, 1 Ko 1.14, 2 Ti 4.20    **16:25-27** Lom 1.5, Epe 1.9, 3.5, 3.9, 3.20, Kol 1.26-27, 1 Te 3.13, 1 Ti 1.17, 6.16, Jud 25

## **Jisas Klays Takaw Teplep Ne Tay New Testament**

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 11 Nov 2022 from source files dated 29 Jan 2022

24d09cce-9a93-523a-afa5-7b091c264cee